



صندوق الشوار هكايات الأبريق والقلعه

ناجى شعيب

كتابات جديدة

رئيس مجلس الإدارة
أ.د. سمير سرحان

رئيس التحرير
إبراهيم عبد المجيد

مدير التحرير
فتحى عبد الله

سكرتير التحرير
أيمن حمدي

الإشراف الفني
مبى عبد الواحد

مستشارو التحرير
أ.د. أحمد درويش
أ.د. صلاح فضل
أ. يوسف القعيد

أول الكتابة

طيب إيه اللي يخلي عيال من سنك تشتاق للموت .

جايز سر الصندوق المرمى بقاله سنين

ويتاكل فيه العته ورطوبة البدروم .

يمكن سوس الخشب المدهون بورق جرانين .

زمان ، كان له أيام العز مقام .

دلوقتي السوس بينخر في عضامه .

وبياكل كل سنينه الباقيه .

ياه ، العفاريت أهى طلعت من جسمى .

يا ضنايا يا خويا .
طب أعمل إيه دلوقتي ؟
الواد عيان بيخطر ف م الحمه .
لازم يفضل ع الحال ده سبع تيام .
يقدر يستحمل أسبوع .
هايموت منى يا خويا .
رينا يستر أصلى ماخلفتش غيره
دى حرارته بقت ٣٩ شرطه ونص .
ياه ، دخان أبيض زى بخور المسك ، طالع من قلب
الصندوق .
يا جماله عمال يترقص ع الحيطه ازاي .
أمه .. أمه .
شايغه اللى انا شايغه .
لو كنت أقدر أخش الصندوق .
كنت أعرف إيه اللى بيجرى ف قلبه .

هو الصندوق المنسى بيعرف يتكلم.

فيه حاجه بتلمع جواه.

أنا لسه شايفها من الخشب المتاكل.

الضى بيكبر ويصغر على الحبطه.

الصندوق المتاكل م السوس بينور.

السوس ماقدرش ع النور اللي ف قلب الصندوق

ماقدرش يفك احبال الحوائيت المنسيه.

ما هو طول عمره كده.

كل اللي بيقدر على أكله ألقشره ويس.

طيب والمحفور جواه م العشره.

اتغطت بتراب الخلفه وكثرة الولاد.

بللى الكمادة لحسن سخنت على راسه.

شايف الواد ازرق ازاي.

حسك عينك تفتح صندوق الموت تانى.

خلى المستور مستور.

بطل يابنى تلعب فى زمن مش زمنك.

كفايه عليك اللعب مع اصحابك ف الحوش.

خليك نايم على حجرى أحسن.

بللى يابت الكماده.

طيب ليه مش عايزين تلعبوا ويايا.

أنا مش عيان ولا حاجه.

بس انا خفيت.

أنا لما فتحت الصندوق ودخلت معاه حواديته.

يمكن يعنى سخنت شويه.

لا والله ماهوش حسره ولا حاجة تزعل.

بس تعالوا معايا هانتبسطوا قوى.

لومش عايزين خليكوا.

أنا برضه هاعرف افك سطور حواديتى لوحدى.

الواد بقى نار من ليلة امبارح .
مش نافع وياه لالبوس ولا تلج ولا كماده .
هايموت منى
طيب ايه اللي يخلى عيال من سنك
تتمنى تعيش ف زمن منسى .
وتفتح على نفسها أبواب وطاقات من نور .
عماله تضلم وتنور على بدنه .
حسك عينك لما تخف تنزل تانى البدروم .
ياه .
دا الصندوق اتكلم .

الحكاية ١

مش إحنا برضه اصحاب.

جايين سوى ف صندوق الشوار امبارح

مش أحسن نخلي قلوبنا على بعضينا.

وما نبتديش العيشه بالعافيه.

ما انا برضك أبريق نحاس قيمتى ف حمار لوني

ومقامى محفوظ دايمى على صنىتى .

عايزنى اقولك أيه دلوقت بقى يعنى دامافيش مابينا

عداوه .

امشى ف طريقك عدل م الأوضه للحمام.

وبلاش تلفح بالكلام ف الرايحه والجايه .
خلينى قاعد على صنيتى ف حالى .
دا انا لسه وياك على الوش النضيف .
لوهاتقلب تزعل وتتعكنن قوى، ما هو قصر ديل منك
أيوه طربوشى على راسى بيضوى وبيرق .
وبطنى مليانه لامؤاخذه ميه بمورد .
وليا بزبوز طويل وحامى وتحت منى صنيه منقوشه
بالفضه .
أبعد عن البزبوز وخليك فى حالك .
دا أنا اللى ف قلبى على بزبوزى .
طول عمرى أبريق بس راجل قوى، بستحمل النار والبرد
والبهذلة .
الصبح تغسل وشها بميتى وتصب على جوزها يتشطف .
والظهر بعد الغدا بقرب الأحباب لبعضيهم .
يتلاقى نفسه اللى خارج عشان يحضن نفسها .

ويقصر السكه عليهم بالكسل .
تقعد تدلكه رجله وهو يتنهد ويضحك .
ويجمع البردانين يتدفوا على حسهم .
لا برد يدخل عضمه ولا سقعه تدخل قلبها .
مش زى غيرى مفرق الأحباب .
طب قولى ميزه تفرقك عنى .
قاعد تعيد وتزيد ف نوزتك عليه .
مايكونش علشان بتتمخطر يمين وشمال ف رجليها .
دايما طريقك نجاسه ف نجاسه .
صحيح قطيفه بس مش أصلى .
طرى وناعم، برضك ماقولناش حاجه .
بتدفى ببيك صوابعها مايضرش .
ديتها بس أطرطشك بالميه من بزبوزى .
أنت شايغه كويس، دا ف اليوم ماتتبل تنهل وتصبح
عيضه .

وتترمى على السطح للشمس تاكلك ويتلحس لونك .
ما انا قولت لك ماتبتديش ويايا العيشه بالعافيه .
ويلاش تبص عليه من عليوى .
ياسيدى وطى شويه مناخيرك .
خليك ف حالك وابعد بعيد عنى
لاتعرف طعم الندم ف الآخر .
خلينى كاتم ميتى ف عبى .
أصل اللى زيك عمره مايتباس .
دايما بيرخص لما يترقص .
لايوم يقوم له مقام ، وترفع ع الراس .
يعنى هو مقامك كده .
طلعت ولانزلت برضه مداس .

الحكاية ٢

فيها إيه يا وناسه .

لو تهمدى شويه وتهدى من لوعك على الحيطه .

خلّى اللى نايم نايم واللى صاحى ف حاله .

أهى قاعدة تتقلب كل مابترتعى .

دلوقت تعمل خايفه وترعش جسمها وتقول خدنى

ف ريك .

ماتتاخر شويه يا راجل .

سايبنى نايمه لوحدى على طرف السرير بردانه .

أنا سامعه صوت ف الصاله .
أوف الجونار ف الأوضه .
مش طايقه ريحت العرق ولا ريحتك .
الطشط من بدرى نايم زى مايكون ميت .
وانا اللي سهران ودايخ من حديثها معاه .
من الكانون للصينيه ياقلبي لاتحزن .
دايخ بقالى ليالى .
ارخى يا بنت الضى الليلادى حبل الأسى عن زورى .
خلى الموده اللي بينا تدوم واحبالها تتمدد .
تعبان وعلى إيدك من كتر ما بتملى ويفضى .
نفسى أنام لى ليله حبه من نفسى .
أسبوع لدلوقتى م الصباحيه ، قاعد على النار صاحى .
والرحمه برضك حلوه ع الغلبان ، بس مين اللي يفهم .

من بختی لزررق إترمیت علی ناس مابتونش .
أصلهم ولا مؤاخذه یعنی برضه ف الكلمه . عقلهم من
تحت .

المندره زى الزريبه والريحه ماتطيقهاش .
مابتنتفتحش إلا غير للأكل والحمام .
وأنا أصلى يا اختى اتهريت على اديها .
وعاديكى على لسعة النار ف جسمى .
الميه تسخن وتبرد ف بطنى ولا ميت مره .
والنار كلت قعدتى .

بلاش لوع ف الكلام، أنامش ف وقت هزار .

14

دى صنيتى جنزرت من قلة الرحمه .
بقى حالنا يصعب على الملعون وع الكافر .
برضك عروسه وعريس ماقولناش حاجه .

من حقهم يعنى، بس مش بالشكل ده .
راحت عفيتى وابتليت باللى لا بتهمد ولا بتتهد.
دا كل ما الراجل يغفل له حبه .
تدعك صوابه عشان تطرقهمله .
يبدأ هزهم لغاية الصبح مايشقق .
وأنا قاعد اتقلّى ع النار بغيظى من اللى بيجرى .
دلّع الفقارى فقع مرارتى وخلي لوى أحمر من تانى .
صبرنى يارب عاللى ابتليت بيهم .
من كتر جباروتها قميص النوم ماعرفش طعم الركنه ع
الشماعه .
داير يا ولداه من طشط الغسيل لجنتها .
والخف بعد يومين داب واترمى ع السطح .
ما انا أصلى ياما نصحته .

دى مش شماته ف حد ولا بقول ذنبى .
ماهو حالنا من بعضه ، هو اللى ماستحملش .
ما عملش خاطر لحد وهو لسه جديد .
ماعندهم عيز يحافظوا عليه .
كل اللى مالى دماغهم سعت الحمى
وتتحرق الميه ف الأبريق عشان يتغسلوا .
وقميص ف غلبى ياولداه من الطشط بميته لجتتها .
والطشط مرمى من يومها جانب الحيطه .
الدنيا سافعه ، قال يعنى بيحسوا .
مافتحيش الباب لاتستهوى
قال يعنى فيه دم بيجرى ف عروقهم .
وناسه . خليكى بنت حلال وقصرى الليله .
بلاش تطوعى الهوى ولا رعشته الدايله ع الجدران .

دا انتى ف فتيلك راحتى للصبحيه .
إتلمى عنى شويه لأطرطشك بالميه واطفيكى .
إن كنت أبريق صحيح اعلمها .
،، انت اللى خسران وهاتبات فاضى،،

الحكاية ٣

أنا كنت أبريق ببندق والضحكة ماله عيونى .

أيام ورا أيام لما نسيت لوى .

غدرت ليه يا زمان بيه ويصنيتى .

بزبوزى أكله الصدا من كتر مارموى .

الله يسامحكم بقى يا الله اذيتونى .

18

جلبوا عليه الشقا وجم يعزوني .

فين المورد يا ناس أيامه راحت عليه .

دلوقت قاعد بشتكى من قلة الميه .

نفسى ف عود نعتاع أو حتى نقطة مزهر.

ليه الأصل يترمى على كنيف القهر.

طب مين هايسمع حكايتى ولمين راح اشكى أسايا.

خليك يا صاحبى شويه قلبك حنين معايا.

أنا تحت منى صفيه بتكن وبتبكى.

وبتدعى ع اللى أنونى بالعربى والتركى

أبريقى عجز قوى م الركنه راحت عليه.

من كتر ذله أتعوج حلقه ويزبوزه.

طب مين هايسئل فيه أو يطلبه مره.

أو حتى يوم يندهله ويعوزه.

إشتقت لك يا ميه بالنعتاع.

إشتقت لك ترجعى للى هزارهم ماع.

يرجع قميص النوم جلابيه وستاره.

العز أيامه راحت والفرح ليه ما يدمشى.

إمشى يا زمن النغم من جانبي قوم امشى .
أنا اللي كنت زمان عايق ومتسيط .
صبحت باشكى الوجع على حالي ويعيط .
من بعد عيشة العز . من بعد دعك السرس .
من بعد ريحتى الخلوه . من بعد غندرتي ف وسط
البيت .
ما عادتش حاجه تلز ، صبحت من غير حس . ف اللمه والخلوه .
قاعد هنا ف سندرتي . على لمبة من غير زيت .
ما خلاص يا أبريق بقى همدوا العرايس وكنوا .
دلوقتي قاعد بتتصعب على احوالك .
وعرفت م الغلب طعم الركته ع السندره .
مش أنت كنت اللي دايمًا بتتنتهي الراحه .
وتعبت من كثر ما بتتملى وتفضى .
ودعيت عليهم وخلعت طربوشك .
دلوقت قاعد على صنيئك تقول مواويل .

دى مش شماته يا صاحبي ولا أصلى فرحان فيك .

دا أصل بس الدنيا مش على حال .

وانت يا أبريق اللي ياما افتريت، وطلقت بزبرك على الفخار .

لا سمعت منى مشوره ولا يوم كبرت لحد .

يا ماقولت لك ماتفتريش ع القل سيب الولايه ف حالهم .

دى الدعوه منهم واصله طوالى لباب السما .

دلوقت قاعد على صنيتك تبكى من الركنه .

احمد ياشيخ ربنا دا انت تسه بمقامك .

طب قولى تعمل إيه لو كنت مرمى ف كنيف

لو كنت عايز صحيح من تانى ترجع تبرق .

وتفارق الجنزره وتندعك بالسرس .

أدعى لها يرجع تانى حسنها يشرق .

وتبقى ست المندره وما تكتفيش باللمس .

الحکایه ۴

أبریق لعبی وتدب ف عینه رصاصه

شیفاه ازای واقف مقصوع ع الحیطه.

عمال م الصبح یلعب لنا بزیزه.

مش ناوی یجبها معاکي البر یاقله.

إتغر قوی ف نفسه إنما علی إیه.

شایفه الطربوش علی راسه ازای معوج ویبیرق.

ماهو متبیض لسه امبارح.

طب یفرق إیه عن أبریق فخار، علشان بزیزه طویل

حبه.

والاعشان الميه اللي ف عبه دايمًا لابتنقص ولابتنشع.

أصل الفخار دايمًا بينشع على بعضه.

برضك لو وقع الأبريق الفخار على الأرض بيتكسر.

لكن الملعون ده بيتطبق بس.

طب ما الأبريق الفخار دايمًا ريحته مورد، وشفافيه مغطيتها النعناع.

يعنى دايمًا كده عايق ومروق نفسه على الآخر.

أتاريه عمره مايبان سنه عليه مع أنه أقدم أباريق البيت.

زى مابيقولوا كده عنده ييجي إتناشر عام.

كان جاي مع شوارها ف صندوق مافضلش من الصندوق غيره.

23

ياخراي ياقله، دا الأبريق الفخار لو يقعد سنه بينحس

ومسيره الكسر.

أو لو حتى إترقى شويه وطال عمره، يترمي على أي كنيف.

طیب ودا یدیلہ الحق یاقله یخربش ف مشاعر الفخار.

أوعی تبصی أحسن جای علینا لو سلم ماتردیش.

إعملی نفسک مش شیفاه.

إمبارح قال إیه الملعون ده اتلقانی لوحدی وانا رایحه

المطبخ.

وقعد یتدحلب زی التعبان.

قال إیه کان عایز نطلع سوی ع الترعه لوحدینا.

نغسل ونمصص بعضینا.

بسلاّمته فاکرّنی عبیطه ومش عارفه فضایحه.

والا أکون من الفخار الی بیتاکل بالساهل.

مش کل الطیر الی بیتاکل یا أختی.

أوعی تنخيله یابیت یا قله.

24

حاکم انا عرفاکی خفیفه وأصل الأبریق سریح ویلف

دماغک.

یقعد یتدحلب ورا غرضه لحد ما یلقاها ع الباب قدّامه.

ف لحظه يدوب زى الملح ف حبة ميه .
القله الحمرا اللي انكسرت عرفاها .
بيقولوا انتحرت من ع الشباك من شهرين .
طلعت بعبطها معاه ع الترعه ف يوم .
تغسل وتمصمص عفتها .
نط الأبريق عليها كسر ودنها وشفتها

* * *

الحكاية ٥

بطل يا أبريق عمايلك السوده .

نفسى تكن شويه ف صنيتهك .

هوانت إيه يا أخى معجون بمية بنى آدمين .

ماتكنش فاكر نفسك راجل صحيح .

بص لنحاسك وانكسف على ميتك .

26

كل اللي ف البيت من المواعين ولايه .

مالهمش حد يصدك ولا يتحموا ف عرضه .

وأنت افتريت يا صاحبي على الآخر .

ماسلمش من تحت إيدك أى فخاره .
بتدنى نفسك على أى صنف حريم .
شایل البزبوز على أكتافك ودابر طايح .
عمال تكسرف القلل وتخدش حياهم .
واللى ما تطلهاش ببزبوزك . برضه مابتسلمش من
التريقه وطرطشة الكلام .
يعنى الطبق اللى ماتكلش منه ، لازم تلغوص فيه .
ده بس كل اللى إتعلمته من قعدتك ف الأوضه .
كان لازم تغنجل عينك وتطرطق ودانك قوى .
ما الطشط بايت كل ليله معاك .
وعارف اللى أنت لسه بدرى عليك تعرفه .
بس الرك ع التريبه .
عمره ما طلعت عيبه من حنكه .
ولا يوم خبص على حاجه بيشوفها .
أنت اللى ملعون وبزبوزك من ليلتها اتعوج .

إيه يعنى ليلة الدخلة طالت سبع تيام.
من حقهم يا أخى ما هما برضه لسه عرايس.
مبسوط ياناقص وعمال تضحك.
خلتنى أغلط ف الكلام وياك.
وأجيب ف سيرة الناس.
طيب يا فالح مسيرك للركنه ع السندره.
حاتكون أعز عليها من جوزها.
من يوم ما قفلت عليه الأوضه يا ولداه.
وهو لسه داير زى تور فى الساقية.
وهيه لابتهمد ولا بترتوى.
يديها ضهره تزغده ف جنبه.
يتقلب المسكين ويعمل نايم.
ترفع الجلابيه فوق ركبته ما يبصش.
ولما تخلص حياها تقوم ع الطشط تملاه ميه.

قال إيه ياخويا الدنيا نار.
مش طايقه ريحة العرق.
عايزه أستحمى مش قادره أنام من الريحه.
طب قوم يا راجل عشان تليف ضهرى.
إزاي ينام وهيه لاهى على بارد ولا على حامى.
واهو برضه من وكسته يحن لها.
ما هى برضه حقها مش هيه لسه ف الصباحيه.
بقالها أكثر من سنه وهى على الحال ده.
ماطلعش للصبحية لسه نهار.
خلتنى أغلط تانى وتطلع العيبه من حنكى.
خليك يا أبريق داير على حل شعرك كده من صنيه
لصنيه.
لا مالى عينك حتى زير البيت ولا همك دست ولا براد.
ما انت اتعوجت خلاص ماعدش منك رجا.
قاعد بتضحك على القلل وتكركر.

شوف لك يومين يا أبريق وزقطط.
التور مسيره ينخ يوم ويتهد حيله.
والقله ترجع من تانى تتسيط.
وأنت اللى تقعد يا أبريق بخبثك.
على سطح سنڊرتك تعيط.

الحكاية ٦

أبريق ومحدث عاجبه.

عاج الطربوش على حاجبه.

ما هو أه وأهين م الحب ياترمس.

شايف مقبلى اللى انا شايفه.

خلينا ف حالنا ياخويا.

دى القله عنيه هاتخزق من البص لفوق.

مش هيه لوحديها ياترمس.

قلل العربيه بحالها عنيه هاتبك لبره.

بصراحه بقى أبريق إنما يستاهل.
عايق ومتعايق ومروق نفسه على الآخر.
واقف ويقول يا صنيه انشدى.
أبيض ومزهزه يبيرق فوق راسه الطربوش.
مش زى بقيت الأباريق الجربانه اللي احنا معاشرينها.
أهو دى اللي اسمه ابن زوات بصحيح.
من طينه نضيفه، أسوانلى بقى.
لاء دا قنارى ومتأصل أبا عن جد.
بصراحة يا ترمس أبريق يتحب.
شايف بزبوزه بيضحك ويترقص ويشاور على قلل
العرييه ازاي.

32

مش عاجبه يا ترمس منظرهم.
ما هو أصل مافيش ولا قلله على العرييه نضيفه.
كله ملحوس ومنحس من مسك الإيد.
ما هو موضه العيب مش على القلل الغلبانه.

أصل العربيه صاحبها جفط .
عمره مافكر يوم يدعكم تحت الحنفيه بليفه .
يملاهم كل ما يفضوا ويس .
وأهو من إيد للتانيه يا قلبى لانتحزن .
ودى ريحة اية دى كمان اللى مهفهفه من نواحيه .
دا مزهر ياعم .
ما إيه ؟
أصل الأباريق العليوى بيملوهم م الحنفيه .
ويحطوا ف ميتها مزهر .
اوعدنا يارب بحتة تلج ترطب بدن الترمس وتضيع منه
عطنته .
ما انتش شامم يا جدع ريحتك قلبه الشارع .
عامل زى اللى ماشفش الميه ف عمره .
ما هو فيه فالبنى آدميين ناس زيك .
الواحدمنهم تنفات له بلاد من ريحته

طيب هو انا بس اللي معطن ع العربيه لوحدي .
ماتشوف القل المرصوصه كمان .
ما هي طالعه علينا ريحتها وكلتهم عايزين الكسر .
والا أنت ماتتشرش إلا عليه .
ما أنتش شايف برضه إن القله دي بصت عليوى شويه .
شايف يا مقيلي .
طب دي تعيش ازاي مع أبريق ابن زوات .
وازاي تتحط معاه ف صنيه على الحال ده .
على رأيك تعمل إيه القله ف وسط العز ده كله بشقتها
المكسوره .
قال يعنى نزل وطلبها يا خي خلاص .
كل ما بتشوفه بتتشعف وتقوم تتنيل على عينها .
أصل الحب حكايته حكاية ياترمس .
ياجوز يامقيلي القلب ومايريد .
فكرك يخلف ظني وظنك ويعبرها وينزل .

ينزل مين يا جدع ده عشم إيليس ف الجنة .
إلحق، القله أكيد سمعتنا بنتكلم واهى قاعد تعيط وتغنى .
أبريق ف المشرايبه .. بيطل من الصنيه .. لو جت عينه
ف عنيه .. أوفكر يوم يجيلنى .
هاقول يا عين ياليلى .. وهاوشوش المقيلى .. عن الشوق
اللى بيه .
يا للى انت ف العلالى .. شيفاك واقف قبالى .. أبريق
ولا تبالى .. لما تعبت عنيه
الليل قرب يليل .. حظى يا قل قليل .. وهنروح للبكا ..
والقلب اللى اشتكى .
هنروح على حته تانيه .. وهاعيش ف الهم تانى ..
والفرح يروح ف تانيه .
وأرجع تانى لهوانى .. خليك يا نهار شويه ... أمللى بيه
عنيه .
أبريق غلبنى حبه .. مشتاقه أستنى جانبه .. وتجمعنا
الصنيه .

على شباك ف العصارى .. واقف ولا أنت دارى .. طب
طل ف يوم عليه .
بنظره تبل ريقى .. وتطفى نار حريقى .. دا انا ف الفخار
وليه .
محتاجه لكلمه حلوه .. وسدر يضمنى .. الآهه تبقى
غنوة . والفرحة تخضنى .
شيفاك واقف قبالى .. أبريق ولا تبالى .. بحالتى أو
بحالى . لما تعبت عنيه .

الحكاية ٧

مش أنت برضه من جنسه.

فخار صحيح بس اسمك من الأباريق.

إن كان نحاس فانت فخار أبيض.

لازم تقف له شويه يمكن يرتجع.

ويعرف إنه ماهوش لوحده الذكر.

البيت مليون فخار ويقدر يشكمه.

بقى يعنى دمك مايحماش ف يوم عليه.

وتقوم تخوشه عن القلل وتأدبه.

ماهى برضه من طينتك وعارها ييقى عارك.

بريه يا عالم من قلة الاحساس.

قاعد وكانن ف الصينه وكأنى بكلم نفسى.

بتدارى زلك يا راجل فى بيزوزك المقطوش.

مش هو برضه اللى بعتر كرامتك ف يوم.

خايف ليخدش فخارك بيزوزه.

وتتكسف قدامنا ونعايرك.

العره هيه قعدتك ف الصنيه تتفرج علينا.

يكفى ان مره تحاول.

قيمتك هاتبقى كبيره وسطينا.

واهو تبقى مره حاولت.

38

لو حتى كسر ودانك.

واهو تبقى رمز النخوه ف البيت كله.

هيه الرجوله دايمًا يا أبريق كذه، مابتنشرش.

موجوده م الأول.

وأنت طول عمرك كده خنته وجبان.

طب حتى بالقول يا ناقص.

فين المروه يا عالم ف الزمن ده.

أهو برضه يعرف إن ممكن حد يتصدر له.

ما هو عيب عليك تدينا ضهرك زى غيرك كده.

بقى كل اللي ف البيت ماعدش فيهم نخوه.

شايفينه طايح كده ولا حد عجبه ولا انتوا قادرين عليه.

ما هو يبقى من حقه.

لوشاف ف وسط الفخاير دكر بصحيح ماكنش هايطيح
فيها.

صحيح مافيش دلوقت ع الحجر غيره.

عايزنا نطلع فين؟

أنا وانت ف البلكونه.

هاتكلمه وأبقى ف حميتك.

طوب أحمى نفسك أنت الأول.
مافضلش غيرك ياعرة الأباريق.
والله يقينا يافخار معيره وملطشه للى ميسواش.
لو خلصت الأباريق م الدنيا.
عمرى ما اتسمى لك قله.
أهودا اللى ناقص. يا ناقص.
أكتب وقول يازمان واحكى كمان وكمان:
الحره حره لوجار عليها العدل. ولا عمرها ف يوم
ترضى تعاشر ندل.
لو خلصت الأباريق م الدنيا واتأزمت. وماعدش غيرك
م الصنف واتحكمت.
الكسر أهون عليه أن يوم أعوزك، واتسمى لك وليه
وأرضى ببزبوزك.
عمر الخسيس ما يصون عرضه ولا طوله. وعرة الأباريق
لا يتسمع قوله.

قال جايه قال أتحمى ف اللى مالهش حمى . أنالما شوفته
زليل كرهت اشوفه عما .
اكتب وقول يازمان ..
النخوة فين راحت .. ومعاشرة الندل ولا ودت ولا جابت

الحكاية ٨

شايقه .

أدى اخرت الفرعنه .

هو اللي يستاهل .

أخرت عمايله السوده .

هاتنصحي فمين يا قله دا أبريق لبط .

42

إيه اللي خلاه النوبه دى يعاكس الكنكه .

ما انا قولت لك مسيره يوم يغلط .

أهى داخله ع المطبخ ويتعيط .

لازم هاتجری علی البراد وتشکی له .
دی هاتیقی عرکه شدیده .
هو البراد هایقدر يتصدی للأبریق .
دلوقت نتفرج .
شایفه الساطور خارج بیتلفت یمین وشمال .
طالع یدور علی الأبریق وهو متززرر .
ما كنت دایما أقوله، خلیك ف سوقك وملکش دعوه
بالمواعین .
عمال یدور علیه من أوضه للتانیه .
عمری ماشوقت الساطور عصبی بالشکل ده .
الظاهر انه اتجن من الأبریق .
أه لو یقع دلوقت تحت إیدیہ .
شایفه اللى حاصل یا قلہ ف المطبخ .
الکنکه والبراد قاعدین بیغلوا ازای .
شایفه البخار اللى طالع سخن م البزبوز .

ودى إليه كمان يا صنيتى اللى هايجرى.
المفرمه اتشمريت ويتفرم اللى يقابلها.
أنا سامعه صوت سكاكين على السنانة.
حليت قوى العركه.
والدم هايبقى للركب.
ماتيجى بينا يابت نقلب الششب.
على قد ما هو كان منفوخ على الفخار.
أهو بان دلوقت على أصله.
هايقف لمين، اجرى.
جبان أول مالمح الساطور خد ديله ف سنانة.
دا لئيم وعارف أن الساطور عندى.
والجى ف الأحوال دى نص الجدعنه.
تيجى ننسحب من لسانه ونقول لهم فين مكانه.
لاء ياختى بعدين يعرف وبعد الهوجه نصبح إحنا
ملطشته.

لا ساطور هاسأل فينا ولا كنكه تحميننا.

إحنا اللي قاعدين ف وشه.

كفايه كسرت نفسه قدامنا.

فكرك هايقدر ف يوم يحط عينه ف عنينا.

هو اللي زيه يهمه، دا نحاس مجنزر بجج.

هايقنه راقد يومين أو ثلاثة مدارى على السندره.

لحد ما الكل ينسى عملته السوده بعديها ترجع ريمه.

هو ديل الكلب عمره بيتعدل.

طب يالله بينا الكنكه جايه علينا

يانصبتك السوده.

بيتى ليه ع السندره.

مش كنا أحسن مشينا.

قالوا ان عم ساطور فتح بطنه.

إتطبقت بس ما اتفتحتش.

بزيوزہ برصنه اتعوج م الوقعه من عل السندره .

طب هوفين دلوقت علشان نطيب خاطره .

بيقولوا قاعد لسه متأذى .

وماستحلف لك يا قله .

الحكاية ٩

هوا العصارى يا هوا العصارى.

العيشه اخلوت يا قلل ف هوا العصارى.

ويحب جارى يا قلل ويحب جارى

ف هوا العصارى يا قلل ف هوا العصارى.

الى فى قلبى يا قلل بتمنى اشوفه.

يطفى نارى يا قلل ولا حد دارى.

قلبى يغنى يا قلل لحظة كسوفه.

مين يشتكى له يا قلل طول اصطبارى.

ويردهولى ياقلل ساعة العصارى .
يا سلام على العصريه واحنا ع الترعه .
يا رب دمها علينا نعمة .
يا صنيه يا اختى أنا خايفه ماتدمشى .
أصل اللى زى حالتنا الفرع ليهم قصير .
وبقى لنا إسبوع عمالين نضحك .
ونغنى ساعة مانفضى .
ونغنى واحنا بنتملى .
خير يا أختى وإلهى دايمًا يزيدہ .
وحياتى عندك ما تجيبى أبدا سيرته .
لحسن دا ع السيره بيهل عمله الرضى .
أهو لسه متنيل ع السندره .
يقدر يهوب تانى نواحيننا .
دى الكنكة كل شويه تخرج تبص عليه .

والا الساطور حالف لو شافه يشق بطنه اتنين .
علشان لا ينفع طبله ولا زماره .
خلينا نخلص من رزالتة .
خلينا ف اللي احنا فيه دلوقت والا احنا مالناش سيره
غير سيرته .
دى قطيعه تقطع طلته علينا .
سيبك يا قله برضه الكبير كبير .
ساطور وقيمه ويعرف يصون عرض مواعينه .
مش زى دست الشوم والا زير الهنا اللي عامل كبيرنا .
النفخه يا اختى ع الفاضى مادي عيبة الفخار .
برضه الساطور قيمه وقادر يحمي مواعينه
بس افتري يومها ع الأبريق شويه .
هانحن تانى يا صنيه ع الموكوس .
صعبان عليكى رمية الأبريق لوحده ع السندره .
يارب دمها علينا نعمه يقعد هناك طول عمره .

واكفينا شره وأذاه .

بس انتى عرفه يا قله يا أختى .

لما كان بيروح عشان يتبيض ويرجع لنا .

كنت ريحة الميه بماورد تهف من نواحيه .

كان يعوج الطربوش ويمشى يتعاجب .

كل القل بتبص له وتتحسر .

على قد قرفه ورزالتة .

أهو برضه قاطع فيه مش عارفه ليه بيوحشنى .

ما هو إسمه إبريق برضه وحسه وسطينا .

هو اللى كان دايما يفتح علينا الباب .

ويونس البيت وياخذ حسه .

ف الأولى والآخر قاعدين ف عزه وحماء .

ما هو برضه أبريقنا .

أصل الساطور مالهش غير مواعينه .

بيلمهم دلوقت ف النملية .
لا فى يوم بيرمى سلام ولا حتى بيصبح .
داخل بأدبه وخارج علينا ف حاله .
واحننا يا فخار كده مشاعرنا دائما تنشع ع الغريب والبعيد
إش حال ما هو الأبريق .
يعنى الذكر اللى وسطينا .
وعشرة قديمه ويقاله عمر بحاله ويانا .
والعشره برضه يا قله ماتهنشى .

الحكاية ١٠

تعبت من كثر المناهدة مع الأبريق
من يوم ما بطانه إتعوجت وغتته مش على حد.
أجيبه شمال يجبنى يمين.
طيب نجوزها لك يا أبريق.
قال إيه ماتجوزش من الفخار.
دى قله بنت أصول وهاتصونك ويرعنه وليه.
هاديه ولطيفه ومليانه حنّيه. يرد ويقول لى
ما احنا ف وسط البيت بقينا ولايه.

طب تعمل ايه علشان تكفر عن ذنبها.

طب أدى راسك أبوسها.

طب قول لى عملت ايه علشان تكيدك كده؟

لكن ما فيش أى فايده.

حالف ليكسرها.

أنتى اللي قولتلم إنهم إنه كان ع السندره؟

لو كان قاعد له يومين هناك كان بردت عمله.

ولا كنتش طاله الساطور وقدر يطبق بطنه.

كانوا عمرهم ماهايعرفوله طريق.

أصل البراد زودها شويه ف غليانه.

ما هو طول عمر الكنكه بتتمايىص ع الأبريق اشمعنا

المره دى؟

دلوقت الأبريق بقى كخه.

تستاهل كل اللي بيجرلها ف وسط المواعين.

سامعه إن البراد قفل عليها النمليه.

واهو حالف ما تعتب بره المطبخ تانى .
ما هو من يوم ما اتجوزها وهيه مطينه عيشته .
دى ف آخر مره من الغنط كلن هايفرقع منها .
إتسد البزبوز وغطاه كان مقفول على زوره وهو بيغلى .
كان قاعد ع النار يتنطط لما للميه اسودت جواه ونشف .
من يومها يا ولداه لا هو على حامى ولا على بارد .
كلنا عذرينه .

ما هي حاجه تشيط أجدع براد .
يلاقيا من الميه اللي بتغلى ف عبه .
والا من الكنكه اللي ما فيش حد مالى عينها .
هيه شويه يا عالم لما الأبريق يحصنها .
ويحاول يشرب من ميتها ببزبوزه .
برضه الأبريق غلطان ما هو مش بالعافيه .
خلى يا عم الطابق مسطور .

غلطان مين .

ما هي كانت واقفه معاه تحت النمليه .

بتضحك وتتمايص وتوشوشه ف ودانه .

تننتها تجرجر فيه ولحد ما يغلط وتعيط .

واهي آخرتها بتغطي عمله بوكسه اشد .

جريت ع المطبخ تشتكى للبراد .

فاكر لما سمعنا من المصفه أن البراد شافهم واقفين جانب

المنقد يتواعدوا .

جانب المنقد ؟

هو المنقد إيه اللي جرى له ؟

بقي عرض بعلمه .

وييخدوا المواعيد حوالينه .

مش عارف يا أخى إيه اللي بيجرى .

كل المواعين اتفسدت أخلاقها .

أصلها خافت ليشك ف حاجه ما بينها وبين الأبريق .

جريت تلحق وتوقع رجالة البيت وتقومهم على بعض .
طيب وانا مالى ومال كل اللى بيجرى يا عم الطشط .
الكنكه بتلعب بالبراد وتوقع بينه وبين الأبريق .
وساطور أغشم م الجحش ماهوش فاهم حاجه .
يعوم على عومها ويتهجم من غير ما يحقق مع الأبريق
ويطبق بطنه .
واهو لولا أن الأبريق جرى من قدامه كان شقه اتنين .
وده كله عشان مياصة كنكه .
دايره بتتسرمح وسط المواعين .
واهى كل شويه بترجع ع المطبخ بفضيحة .
وانا اللى اتبهدل من غير ذنب .
ما هو لو لينا كبير يحمينا .
كنا ها نتدلع على كيفنا .
وما كنش جرى اللى بيجرى لنا من خلق الله .
طيب لوقولنا إن انت ياطشط كبيرنا .

ما هو برضه نحاس زيك والدم يحن .
طبعاً هاتميل على جنسك وهاتيجى معاه .
طيب انت يا زير الهم يا منفوخ على الفاضى .
مش قادر تكبير مره وتعمل راجل قدامه .
جاي بس تقول لى غلبت معاه .
طيب خليه يجيى أما نشوف بسلامته ها يعمل إيه .
مش قادر على الكنكه اللى بتلعب بيه الكوره .
خلته مسخه ف وسط المواعين وهاييجى عشان يستفر
بيه لوحدى .
هو انا يعنى بقيت الفخارة الغلبانة فى وسط الفخار .
خليكوا قاعدين يا ولايه للفرجه عليه وس .
يا قلة حيلتى ويا قلة رجالتك اللى عدمتيهم بدرى ياقله .

الحكاية ١١

بأبعت لك آخر مراسيلي.. مش ناويه أكتب لك تاني.
ما هو كله محصل بعضه معاك.. داير على كيفك
ولا همك.
ولا أى مشاعر بتهمك.. وأنا طول عمرى على الرف
وحيد.
قاعدته بصفى الحلو من المر.. كل اللي بيفضل لى آخر
اليوم.
بعد ما تتصفى مشاعر الأوطه.. حبه نفل طماطم
نشفين.

وارجع من تانى أشتكى أحزاني على الرف وحيدہ .
طول عمرى وأنا مكروه ف وسط المواعين .
ودى كله علشان حبيتك جد .. وكرهت الفخار من
غيرتى عليك .
كان نفسى ف يوم أتخط على النار جنبك .
أو الاقى كانون أتونس وياك بيه .
مش قادره أستحمل عيشتى بعيد عنك .
وانا قاعده بتتسرب كل مشاعرى من اخرامى .
احساسى بانى مانش قادر أوصل لك .
خلانى عرفت انى ماليش ف حياتك لزمه .
أنا برضه نحاس زيك .. وليه مشاعر ممكن توجعنى .
زى القدره وزى الكنكه وزى الطشطيه .
عمرک ما ادتنى ف يوم ريق حلو .
کل ما نتلاقى تدور وشک للناحيه الثانيه .
هو عشان ما انا کلی اخرام .

وحياتك أنا لسه بشرفى .
واخرامى دى موجوده ف جسمى بس .
مش جو مشاعرى .
برضه الريق الحلودا نعمه كبيره .
وانت مرارة ريقك خلتنى نسيت احساسى بروحى .
طب حتى تشاور بعنيك يمكن بيها تروق بالى .
دا انا كنت أسيب الدنيا بحالها عشانك .
من غيرتى عليك خلتنى حكيت للقله الحمرا عمايلك ويا
القله البيضه .
وبقيت ف عنيك خباصه .
غيره نسوان أعزرنى .
ماكنتش عارفه إنها دايبه ف حبك هيه كمان .
وان الغيره عليك وكلاها .
كلنا مجانين والعقل الزينه اتبخرف هواك .
خليك على قسوة قلبك عايش .

قاعد كده بتزيد ف اخرام قلبى .
كل ما اشوفك مع قله جديده أتعرب ومانش عرفه .
إيه أخرت حبك للفخار ؟
ما تراعى مشاعر مصفه نحاس من جنسك .
داير ورا كل المواعين .
وسايبنى على الرف وحيدى ما باحسش بالدنيا بتضحك
لى .
إلا مانروح مع بعض عشان نتبيض .
لكن دايمما بتموت فيه الفرحة .
ساكت ف الراحه وفى الراجعه .
محاولتش مرة تقول ولا حتى عتاب .
قادر على انك تكتم كل الميه اللى ف عبك عنى .
وانا كل مشاعرى بتتسرب من بطنى المليانه أخرام .
أنا مش خباصه زى ما قولت عليه .
من غلبى معاك من جريى ورا الأوهام .

بتمنى ف يوم يجمعنا الرف سوى .
واتملى بنظرة بزيوزك ليه .
أنا عرفه ان الأحلام الحلوه مابتتحققش بسرعه .
لكن أنا عندى أمل .
شيفاك على قد حنانك وسط المواعين .
عامل زى الطشط المليان بالميه معايا .
من تقلك باكره عشتى على الرف وحيدته .
ماعلش مسيرها هاتتعدل بكره معاك .
ومسيرك برضه هاتعرف مين اللى بتمناللك كل هنا .
أما أنا خلينى على جسمى المليان أخرام .
بيعت لك مكتوبى الأول والأخرانى .
وانا عارفه إن الجوابات دايمًا بتوه ف المطبخ .
وانا عارفه إنك ما بتعرفش تفك الخط .
وان اللى هيقرا جوابى حد بيّفهم غيرك .

لكن كل اللي هايحصل لي معاك من بختي .

المصفه .

الحكاية ١٢

مش عارف يا أخى هو انت جبله .
إزاي قادر تستحمل كل اللي بيجرالك ده .
دى فضايحك بجلاجل وسط الفخار والمواعين .
دا كأن ما فيش غيرك ف البيت كله .
القله الحمرا مع الكنكة ماهماش نوبنك على خير .
دايرين وسط المواعين ف المطبخ بيحبوا ف سرتك
للرايح والجاى .
بيقولوا إنك خباص وملاوع وجبان . تنك تدحلب ع القله
البيضة .

لما ضحكت عليها وخذتها تحت النملية .

قال إيه المصفه شافتكم من ع الرف .

بس النملية صراحه بتحلف ويتتحالف أن كلامهم
ماحصلش .

يقولوا لها أسكتي يا معرضته .

واهى قاعده تدرأى على فضايحك وسط المواعين ف
المطبخ .

بيقولوا القله البيضه يا ولداه ع الشباك قاعده بتستفرغ ميتها .

هيه صحيح حامل منك .

ما صدق أبريق الشوم المقطوش لما سمعهم جرى ع
الزير يحكى له .

ما انت يا أبريق ما عملتش خاطر للزير برضه .

ما هو أصله كبير الفخار والقله البيضه ف معزة بنته .

أصل الأبريق الفخار مش ناسى يوم ما قطشط له
بزيوزه .

خليته ف وسط الفخار مسخه .
واهوكل ما يطلب إيد قله تقول له ازاي .
ما هو أصل اللي مايقدرش يصون بزيوزه .
هايصون شرف اللي هایتجوزها ازاي .
الزير حالف لو شافك ليطين عشتك .
وقليل ما كسرلك ودن مش تتلم شويه عن الفخار وتسبيه
ف حاله .
هاتنك طايح كده ورا كل المواعين .
لحد ما خلّيت سمعتهم زي الزفت .
انت مابتحرمش يا أخی .
هو انت ما كفكش اللي جراك من تحت راس الكنكه .
جای المره دی عشان تتشطر على قله وليه .
أهی قاعده تعيط ع الشباك وتقول إنك خدتها بالغصب .
حطيت بزيوزك ف ودنها وجرتها بكل عفيتك تحت
النملیه .

من خوفها لتتكسر دخلت وياك مش بخاطرها.
مستعفى ع القله الغلبانه يا ناقص.
علشان عارف أن مافيش حد من الفخار يقدر يرفع عينه
ف عينك.
ولا يقدر لك.
طيب لو هيه نحاس أو المونيا.
كنت هاتقدر تعمل كل اللي انت عملته مع القله الفخار.
هاتراجع نفسك ميت مره.
بس احنا كده نتشطر ع الغلبان اللي ف وسطينا.
الكنكه وعارفين إنها هاتطرشق منك م الغيظ.
طيب والقله الحمرا حطاك ليه ف دماغها وزعقه.
عماله تهال وتزعق واللى تقوله تعيده.
وكل ما تهدى الكنكه شويه تدلوق ع الموضوع جاز تانى
تشعلها.
صحت كل الحال النايمة على الرف.

كل حريم البيت عاملين هوليله .
غيره نسوان .
ماهو كلتهم من جواهرهم يتمنوا يكونوا مكان القله البيضه .
بس هاتعمل إيه ف الجبن بقى .
عينهم تدب فيها رصاصه .
وسعت الجد قال إيه شرفى يا أبريق أخلاقى ماتسمحش .
إبعد لحسن حد يشوفك .
واهو كلتهم ع الحال ده .
بص يا أبريق اليمه الثانيه هناك .
الزير راكب على حملته وجاى نواحيننا .
أنا ماشى ياعم سعيده . القربه اللى اتخرمت شيلها
لوحدك .
مش ناقص قلة أدب الزير أتعك معاك على إيه .
إحنا صحيح أصحاب .
بس انت اللى خارمها .

وإد ياكنون رايح على فين ؟ .
إستنى هأقول لك كلمه ياوإد .
أما باجور إنما ندل صحيح .
قال إيه استنى ياوإد يا كنون إستنى هأقول لك كلمه .
بيدور على حجه عشان يخلع منى ف وقت الزنقه .
ودى إيه كمان الجاى على حملته ومنفوخ ع الفاضى .
عم الزير .
دقى يا مزيكه .
خليك على قدك لحسن إبعترهمالك .
الحبه الفضلين ف كرامتك قدام الفخار .
كلمنى كويس وبلاش النفخه الكدابيه اللى بتعملها عليهم .
لحسن هضيع هبتك وسطيههم من غير لزمه .
تقدر تنزل من ع الحماله لوحداك .
لوزير بصحيح إعملها .
أحسن حاجه تدوراك على أى نوايه .

الحكاية ١٣

ويمين بالله ماتقرب تانى يا أبريق منى .

لأكون عوجالك بزبورك .

مش كل الطير ياضنايا اللى بيتاكل بالساهل .

مافضلش الا انت كمان اللى هاتتطاول على إسيادك .

بقى أنا اللى اسمى الطشطيه .

ها ييجى عليه اليوم اللى هاعبر فيه أبريق زيك عره .

طيب على خيبة إيه .

وانت منحس ومجنزر وماعدتش تنفع غير لكنيف

البيت .

دا يادوبك على قد مقامك .

بقى فكرك ياعنى أسيب الطشط القيمه السيمه اللى
بيملئ مكانه .

علشان أهرب مع أبريق زيك يا مصدى .

طيب بقی ازای؟

وان كان معقول وطاوعتك على قلة عقاك .

ولو اتجوزتك يعنى نخلف ايه؟

دا انا لو مليانه هاتغرق فيه ولا تقبش .

امشى يا جريان .

دورك على كنهه تكون من توبك .

والا أقولك ..

71

دور على القله المقطوشه اللى بتتسرمدح ويا هاف كل
خرابه شويه .

والله يا أبريق الكلب إن ما اتلميت عنى لا أقول للطشط
رذلتك دى معايا .

عشان تتربى كويس وتبطل جرى ورا المواعين.

أى..أى..أى.

بتخريشنى ببزبوزك يا قليل الحيا يا مصدى.

الحقنى يا طشط.

شرفك هايصنع وسط المواعين.

بقى عايز تستفرس بيه يا ناقص.

هو عشان ما احنا ولايه.

داير تخدم فىنا ببزبوزك.

مره القله البيضه لغاية ما انتحرت.

ورمت نفسها يا ولداه من ع الشباك.

ومره القله الحمرا كسرت ودانها وشفتها.

72

إتلم شويه يا أبريق الشوم.

وبلاش تتسهتن ف كلامك ويايا.

هاتتك كده كل ما بتشوفنى تسبل ف عنيك.

طيب قصر ف كلامك وبلاش دحلبه على بابا ياخويا.

صنيه إيه اللي بتتكلم عنها انت؟

آه منك عامل زى الديب.

إتلم بقى واسكت يا بجج.

أنا عارفه إنك مش هاتجيبها لبر معايا.

طب إيه اللي موقفنى معاك دلوقتى مانش عارفه؟

أبعد بزيوزك يا منيل لقطشهولك.

إتلم يا واد للطشط يشوفنا.

طب أقولك حاجه لما تروح تتبيض إبقى تعالى قابلى.

بريه منك يا ملاوع.

عمرى ماشوفت ارذل منك ف الدنيا.

أوعى تقرب يا جبان يا منحس.

انت اتعلمت بجاحتك دى منين.

بس يا سافل إتلم شويه يا مقروص على عينك.

طيب ما الطشط معاك قاعد نايم ف الأوضه .

برضه بيقد ينفرج زيك للصبح .

متنيل على عينه وما بيعرفش يقول ولا كلمه .

م اللى انت بتسرح بيهم ع المواعين .

ماهو طشط بقى .

بص .

طول عمرك كداب وملاوع .

سيرتك ف المطبخ تدق على ربابه .

أأمن لك ليه هو انا هبله .

تمشى معايا شويه لحد ما تاخذ غرضك منى وبعدين

ترمينى .

بأماره إيه أأمن لك .

أوعى تقرب لأعوجك بزيوزك .

طيب أفكر .

ولغاية الليل مايليل ها شوف أخرتها معاك .

طيب سيبنى لآباب الحمام مفتوح.

عجبك يعنى اللى حصل دلوقتى.

إتلم بقى أحسن أصوت وألم عليك المواعين.

إلحقنى يا طشط.

الحقنى يا براد.

الحقنى يا عم ساطور.

يا جبان زى الرهوان ف الجرى.

كنت هاروح وياك ف مصيبه.

والله يا ابن الكلب المره دى أهى عديت على خير.

المره الجايه راح أقطم لك بزبوزك اللى مخليك هايح
على كل المواعين.

وهاخليك مسخه وفرجه كل البيت.

إيه بس يا طشطيه اللى جراك.

حته أبريق زى ده ميلك راسك.

أمال لو كنت خفيفة شويه ومانتيش موزونه.

كان ايه اللي هايجرالك ويا ملعون ده .
طيب أعمل إيه دلوقتي ف البستله اللي شافتنى .
أحسن حاجه أجرى ع الطشط .
وأقول له أن الأبريق خريشنى ببزوزه .
ماهى بينه الخريشه أهه ف درعتى .
مش هاقدر أخبىها عن الطشط .
آه يا ابن الكلب يا أبريق .
ميلت دماغى الناحيه الثانيه بأفعالك وعمالك .
ماعلش انت هاتقدر تتصرف وتخرج نفسك من أى
مصيبه .
ماهو لولا البستله شافتنا .
طيب عدت رباك على خير .
كات أعمل إيه دولقت ؟
يادى الحيره يابت يا طشطيه .
قلبى واكلى على ابن الكلب الأبريق واللى هايجراله من

الطشط.

خايفه الطشط يهيج أو يتهور واخسر انا الأبريق ف
الآخر.

ماعلش يا أبريق إستحمل.

لو كنت عايزنى صحيح.

مع إنك تستاهل الكسر وقطش البزبوز اللى خدشنى ف
دراعاتى.

الحكاية ١٤

ما أنا ما اتسماش طشط ف وسط المواعين.

وأروح ألبس بيشه وطرحه ويشمك.

وأتحزم بملايه لف إن ماعجنتش ابريق الكلب أبو بزيوز
معوج.

شرفى يا مواعين إتبعتر تحت الرجلين.

ترضاها يا دست.

78

ترضى ومبسوط.

وفاتح ضبك ويتضحك على كل اللى بيجرى.

ابريق معوج ومطبق يتهم ع الطشطيه.

ويخشد لها دراعاتها ببزبوزه .
طيب ما تقول حاجه يا كبير الفخار .
ما هو لولا سكانك يوم ما تهجم ع القله الغلبانه .
وخلالها احرت من ع الشباك علشان تدارى بعملتها
يا ولداه .
ماكنش اتجراً ع المواعين من تانى . *
بس انتوا خلاص ماعدتش النخوه بتلزمكم .
الأبريق العره داهوت لبسكوا طرح .
وماحدش قادر م الفخار على لمة .
أو قادر يرفع ف عينه .
بس أنا برضه نحاس مش فخار عره .
أعرف ارد ازاي يا ولاد الكلب القلم اتنين .
طب دا انا لو عملوني أباريق .
أفصل عشرين إبريق منه .
ييجى حته أباريق مقطوش ومطبق زيه .

يمسخرني ف وسط البيت .

لو أطوله ابن الكلب بإيدي مش هاعوج بزبوزه ويس .

أنا هاقفل بوزه .

علشان ما يخرش من بزبوزه .

طيب والله لا أطبق له الطريوش اللي بيتعايق بيه ع
الكل .

طيب ده قليل إن ماخرمتش بطنه .

أهدى ازاي يعني يا براد؟

هو انت نسيت شكاك يوم الكنكه .

يعني ماكنتش شايف قاعد تغلى على النار ازاي .

دا انت يا راجل ما ارتحتش إلا لما اتطبق وإتعوجت بطنه

لجوه .

80

طيب لولا إنه جرى شوف كنت هاتعمل فيه إيه .

طب أهدى ازاي .

وانا شايف شرفى بيتبعتر قدامى ع الأرض .

لو عدت على خير المره دى .
نلبس كلتنا طرح وبراقع .
وانا أول واحد فيكوا ها اغير إسمى من طشط لروحيه .
على إيد أبريق جريان ومصدى .
سبنى يا دست .
ما تشدش فيه كده .
ما تفرهدنیش يا جدع مش ها اكبرلك بعد كده .
سبنى ف نارى اللى بتاكل فيه من امبارح .
وانت يا عم ساطور اسمعنى .
إحنا صحيح مش من مواعين المطبخ .
يعنى مش تحت حمايتك .
بس مسير العيب هايطولك برضه .
لو كان أبريق الكلب إتأدب من يوم ما عمل عملته ويا
الكنكه .
ماكنش إتجرأ ع الطشطيه .

الطشط بقاله تلت نيام لاهو على بارد ولا على حامى .
قاعد جانب الطشطيه وعمال يغلى من الغيظ .
واهى من يومها وعماله تسح من عينها .
قولها كلمه تطيب بيها خاطرها .
أهى جانب الحيطه .
معاها صنية الأبريق والمصفه والقله الحمرا قاعدين
يواسوها .
نفسها مكسوره قوى .
خليها تجس اننا مش حنسيب تارها من الأبريق ،
فكرك نحشر نفسينا ونتدخل ف الموضوع ده .
والا نقول مالناش دعوه .
وهما يحلو معاها مشاكلهم .
أصل انا مش مطمئن للطشطيه يا براد .
حاسس إنها لعبيه شويه ويتدارى حاجات مش مفهومه .
وإن الأبريق مظلوم ف المره دى .

طول عمر الطشط مغفل وساييها تدور على كيفها.

إشمعنا المره دى اللى استرجل فيها.

إتنحرر يعنى انا مش مطمئن أصل لكل الحدوته.

سيبنى يا عم الدست إلهى ما يسيئك.

طب عرفنى عشان إيه عايز تمنعنى.

قلبك يعنى عليه قوى.

من إمتى الحب ده كله ياخويا؟

كل الفخار ف البيت شيلنى على أكتافه وزاعق.

إشمعنى المره دى وكأن مافيش ف البيت غير الأبريق.

كل مصيبه بترموها عليه.

مره مع الكنكه ومره مع القله الحمرا.

ومره مع الطشطيه ماتلموهم عنى يا جدعان.

إسمعننى يا عم ساطور.

إنت اتهورت عليه زمان من غير ما تحقق ف الموضوع

وعملت عداوه ما بينا.

الطشطيہ لسانها طويل ع الراح والجاى.

كل ما بتشوفنى تلقح بكلام وتقل أدبها.

ف الرايحه وف الجايه تقعد تتنئوز.

إتلمى يا طشطيہ مافيش فايده.

ودا كله بسببك يا ساطور.

أيوه العوجه اللى ف بطنى خاتنى ف وسط المواعين

مسخه.

ماستحملتش من غيظى خريشت الطشطيہ بيزوزى.

خليك انت مكانى كنت هاتعمل إيه غير اللى انا عملته؟

إن كنت صحيح فاكر إن أنا قلت أدبى على الكنكه.

أنا مجنى عليه المره دى من الطشطيہ.

آه يا ابن الكلب يا كذاب يا بجج.

بس يا طشط ما تتهورش عليه.

الله يسامحك يا كبيرنا.

خليكوا شاهدين ع اللى بيغلط .
دلوقت انا ساكت أهو ماشى يا عم ساطور .
خلينا إحنا غلابه .
الله يسامحك يا كبير البيت .
لاء أنا مش هاسكت بقى يا أسيادنا .
يا جدع روح لم الطشطيه بتاعتك م السرمحه من ورا
ضهرك .
بس يا أبريق عيب إياك تغلط تانى . اسكت .
كلنا عارفين الطشطيه وعارفين أخلاقها كويس .
شايف ياساطور ازاي بيدارى على عمايله السوده .
عايزنى أشك ف إخلاص ونصافه الطشطيه .
يا بنى حرام واتلم بقى .
يعنى عشان عايز تخرج من ورطه تحط المواعين
ف مشاكل .
مش أحمر ومنحس .

الله... الله.. الله.

انت بتغلط دلوقتي يا زير الهم.

خليك على حمالتك قاعد ساكت.

ما انا برضه نحاس أحمر زيه.

هوانت نهار ماتقول حاجه تنيلها.

مالناش غير بعض ياعم الطشط.

شايف.

إزاي دخلت ما بينا الفخار العره.

على كلن يا حبيبي

هات راسك أبوسها.

وكمان أنا رايح ابوس على راس الطشطيه.

86

عداك العيب.

الأبريق واد مجدع وانتوا اخوات والعشره مابتھونش.

دا مافيش بينكوا عداوه.

مش كده برضه يا براد؟

إن كنت كمان شايل منى ياعم ادى راسك ابوسها.

صافى ياعم ساطور.

عيل وغلط وانت كبير البيت.

هاتى راسك ابوسها يا طشطيه.

كان نفسى البوسه تكون ف شفايفك.

أحسن.

أنا برضه يابت بس انتى اللى عبيطه.

جربى نتصالح مره وهاتشوفى الحنية اللى على أصولها.

ها استناكى على السطح العصريه.

بس اوعى المره دى يشوفك حد من المواعين.

مش عدت على خير المره دى.

يا الله

الحكاية ١٥

قال إليه ابريق المونيا .

طيب فخار وعرفناه وقد رنا نلمه ف حته .

واهو كانن مع قله ف ركن لوحده .

هو انا كل ماهاخلص من نقره .

القي ف سكتى دحديره .

88

بص يا براد يا بنى .

أهى كلمه وهاتقولها له فى ودنه .

م المطبخ مايخطيش إلا بإذن

لا له دعوة بقله ولا بصنيه.

ولا حتى بمعلقة مرميه ع الأرض.

يتلم ف حته ويعرف قيمته كويس وسط المواعين.

وان البيت ده مافهش غير أبريق واحد.

أحسن قسما عظما لا أحزم بطنه ما اخليه ينفع من تانى.

أنا بقى مش فاضى.

دا بريق المونيا ودا أبريق فخار.

ودا عايز يعمل فيها دكر ودا عايز يعمل حبيب.

ما الدنيا خلاص إنذارى بالمقلوب.

نامت قوالبها وقامت فيها الانصاص.

قوللى انت كمان.

أنا مش عارف أخرتها معاك يا أخى.

مش عايز تسترجل حبه وتشد شويه الحبل ع الكنكة.

بدل ماهى دايره ماحدش قادر يشكمها.

حس شويه يانطع بدل ما تغير دمی عليك.
نفسی بدل ماتفور المیه ف بطنك.
دمك یحمی ویغلی ف مره علیها.
الكنكة سیرتها بقت زی الزفت یا راجل علی کل لسان.
مش برضه الكنكة دی محسویه عليك.
إخشن شویه علیها ولم نحاسك ولا خلاص عجزت.
اوعی تخلی نتایه فـ یوم تركب وتدلدل رجليها.
لو بتموت ف دبادیپها.
هاتنك كده طول عمرک.
نطع ومقصرلی رقبتي.
دایماً أقول وسط المواعین البراد بقی راجل بقی راجل.
وكل ما تغلط أقول بکره هایتعلم.
ماعلش سامحوا المره دی.
طایش وشباب لسه.

لكن تيجى لحد كرامتك والاقيك زى النعجه .
والكنكة على اكتافك راكبه ويتدل دل رجليها .
إسمح لى بقى .

كده يبقى بموتك يا ابن الكلب .
عينك خليها على البيه الألمونيا .
شايف نفسه شويه ومتسبب وملمع نفسه على الآخر .
ما هو له جديد زى الغريال المشدود .
لوهاتسيه هايتملعن ع الكل .

ولو ادلق بكره ماحدش فينا هايقدر على له .
ما هو له ف المطبخ طبقين ألمونيا فاكرهم عزوه .
أيو صحيح الجرذل أبو إيد مكسوره والكساروله .

خلى صوانى البيت تتملعن على أباريقها .
ولحد ما كانت هيه العلقه .

وعليها خدم واتكن ف حته .
ولا عدش بيطلع صوته لا بطيب ولا كمله رصيه .
شوف يا ابني يا براد .
إحنا قدرنا نعقل كل صواني البيت ازاي تاني .
ونرجعهم حصن الأباريق .
كان بالراحه .
أصل النسوان تتأخذ بالراحه مش بالعافية هاتقدر تتسيط .
إنما بالعقل والكلمة الحلوه ممكن تبقى السيد ع الكل .
وهاتمشي كلامك ف الآخر .
عشان إحنا ياواد القيمة وأيام العز .
لابنرخص ولا بتروح أيامنا علينا .
طيب حتى إن راحت يعنى .
ترجع نتحول ف البتارين أباليك .
مالحناش زى الألمونيا اللي بتتاكل وتطوس .

مالحناش عارفين الأصل منين.
واللى مايشتريهاش إلا الناس الفقراء.

الحكاية ١٦

آه يانى يا قدره .

أهى هيه ياواد يا وابور النفخه اللى بتاكل ف نفوخى .

طب بس دى قدره لا فى كسمك ولا من توبك ياسى
أبريق .

خد بالك يا جميل .

مش كل مره بتسلم الجره .

واحنا ماصدقنا الطشط نسى .

ويقيت انت واخوك البراد أصحاب وحبائب .

ويتدخل دلوقت المطبخ تقعد وتهزر وسط المواعين على

راحتك .

مره القاك ويا الطشطيه بتلعب وتنكت .

ومره أشوفك تحت النمليه مع الكنكة غرام ف غرام .

واصحابك قاعدين كبسين العمه على قفاهم آخر كيف .

أتلم بقى وخلي المستور مستور .

لو حد كشف سترك هاتولع ف المطبخ .

وقليل المره دى ان ما ساطور الشوم شقق نصيين .

الطشطيه عينها عليك ف الرايحه وف الجايه .

واهى ساكته ويتطنش عاللى بتعمله ويا الكنكه .

بتقول خليه يتدلج له شويه معاها .

ماهى عارفه قميتها كريس .

وان الكنكة ومواعين البيت يتحطوا ف كفه .

والطشطيه لوحديها ف كفه .

أصل قيمتها ف قعدتها .

ولكن لوحست بقى يا جميل إن القدره هاتدخل
ف الموضوع وياك.

وانك بتلف وراها ماهش هاتسيبك.

وهاتفضح سرك وهاتبقى فضيحتك بجلاجل.

ياوابور يا مولع دق الفحم.

واقعد واتكلم على قد الطربوش اللى على دماغك.

اقعد ف هبابك الاسود والفونيه المسدوده ف زورك.

هاتنك طول عمرك قفل وبتهبب ف كلامك.

الواقعه المره دى ياأبريق واسعه عليك.

غلط انك تتحشر بالقدره.

الوقعه المره دى يا حقنه جاز صح الصح.

كل المواعين عندها عليك.

96

خليهم على نارهم قاعدين يستوا وحديهم.

بصرache أنا مش شايف خير جاى لك م القدره.

ماتسيبها ف حالها ولم التعابين اللى انت مسيبهم

ع الخلق.

نقطنى يا فالح بسكائك واتنيل .

ياوابور يا بنى المسألة مش عافيه .

إزاي تقدر تتحنجل وتكتك على مهلك .

وتهدى النار ع الآخر وتسوى الموضوع .

لسه عليك بدرى إزاي تقدر تتسيط ع المواعين .

وازاي تركبهم وتدلدل رجلك .

كله مابيجيش بالعافية .

بالراحه وعلى مهلك .

بالراحه قوى أنا مش بلعب يا بنى .

الخبره عليها عمل يا اهيل .

97

طب إيه اللى يخلى المواعين يتنشقوا على طلة بزبوزى
عليهم .

حبة حنيه مع الكنكه أو حصن يلسوع مشاعرها .

الريق الحلو بيعمل فعل السحر مع الأشكال دى .

بس تجيبك رجلك لغلط وياها.
يعنى اوعى تعدى حدودك.
تفضل كده على نارها ودايما مشتاقه.
أما الطشطيه كفايه عليها الريق الحلو.
وشويه طبطبه ع الهادى لحد ماتسخن هيه عليك.
ترجع بشويش على مهلك وياها.
لكن لو تغلط يا حبيبي ف يوم وياهم.
هاتكفى منين وعلى مين تقدر تستر نفسك والحبل
مقطوع.
خليك ع الصيت أحسن لك.
طيب تعمل إيه ريا اللي عينيهم مشقوه عليك.
تاخذ البراد على كيفه وتحت بطاطك.
يعنى تصاحبه.
دا مافيش يا جدع أجدع م الصحبيه.
الطشط نقول له يا عمى وتستعماه.

ترضى النعره الكدابه اللى عاملها على المواعين .
وهاتخسر إيه .

الدنيا كده ومليانه حمير من نفس الصنف .

لما تعشش ف نفوخه حكايه يتنه عليها العمر .

أهو عايش مسطول من ريحة حكاياته .

طب وهاتخسر إيه .

حتى الجحش المجوز اللى اسمه ساطور .

برضه مايمنعش انك تحترمه على الآخر .

ماهو حامى وزى الفلق يشق الحيطه اتنين ولا يعرفش
هزار .

عمرى ماهنسى الخبطه اللى ضربها ف بطنى .

لكن لسه حسابى معاه ماتصفاش .

ف الآخر لازم تبقى انت الكسبان .

إزاي تقدر تاخذ الكل على قفاه .

وتجيبه لحدك مرضى ومبسوط .

طلب اقولك إيه ف النمليه .
بعد ما كانت ماتطقش تشوفنى ولا حد يجيب سيرتى
قصدها .
دلوقت بقت آخر صحوية معايا .
ودايما وسط المواعين قاعده تحابى عليه .
خليك على قد دماغك علشان تتعلم ياوابور .
بطل تقعد زى اللوح .
دا انت يا راجل ماعرفتش م الدنيا غير نارك والدخان
وهبابك الاسود .
آه يانى ياقدرة قلبى المليانه حنان .
شايف ياوابور منفوخه ازاي ع الآخر .
عارف لما باشوفها وهيه مربعه فوق طربوشك .
إيه اللى بيحصل يا خرابى .
النار بتقيد جوايا من النار والغيره .
ما هو بخت بقى .

اسم الله عليها وعلى لفتها وفتحة رقبتها.
وخطوتها على الأرض تدب ف قلبي.
وعلى قلبي وف كل كياني.
بحسد نارك يا جدع.
وانا جسمي يبغلي ويفرك ف الأرض من الغيظ.
ما هو بخت بقي.
أدعى عليك تنطفئ أو يخلص جازك.
اه ياني يا قدره يا ريتني وابور من تحتكي.
يا قدره قلبي المليانه هنا.
شايف ماشيه ازاي منفوخه على الآخر.
بتقول للأرض انشدي يا أرض المطبخ ما عليكى قدي.
هي دي جد مالي عينها يا أبريق.
طيب يملوا عنيتها ازاي والكل خرنجات.
الراجل أهوه قدامك يعرف يلاعبها. ويلعب على جنتها.

ويتسبط ويخش نفوخها ويقعد ويبرجس زى الخيل.

الراجل اهو قدامك ياوابور يا مولع.

الراجل اهو والقدره أهه، والحب مشعل مصارينى.

الراجل اهو والقدره أهه وانا قلبى ها يطلع من عينى.

أف ياقدره وهاكتب شعر كمان على شانك

مين زيك أو قدك يا جميل وسط المواعين.

التقل مجننى يا واد يا وابور.

يامانفسى امد البزبوز واملاكى بمية قلبى.

اهه يانا ياواد ياكثاكت.

أه يانا يا قلبى المليان م الغلب وساكت.

أه يانا يا مذنهر على جسمى.

خلتنى نسيت روحى واسمى.

أه يانا يامنقرش أيامى.

ياما نفسى أحقق أحلامى.

واتلم معاكى على الكوشه .
 ونحس سوى بطعم العيشه .
 اتلم يا فاجر .
 شوف لك سكه غير السكه دى .
 قال يعنى مانش عرفاه .
 خليك ف فضايحك واتنيل على عينك .
 مافصلش الا انت كمان يازباله البيت .
 أبريق جربوع ومجنزر بصحيح .
 ابعد عنى احسن لك .
 والله أخلى فضحتك بجلاجل .
 ماتكونش فاكرنى ياواد من اياهم .
 إتطرق يا حبيبي .
 لا انا كنكه ولا طشطيه هاتقدر تسرح بيها .
 اجرى اتشطرع الفخار لحسن ويايا هاتعرف قيمتك .

دور على كنهه أو أى صنيه تملك .
بقى يعنى عايزنى أصوم وافطر على إيه .
على أبريق .
دى الميه اللى ف عبك ماتحصلش لغاية قعرى .
واللا البزبوز .
إخيه يا أمه عليه .
من كتر الجرى ورا المواعين الغلبانه بقى مش باين من
زورك .
إيه ياوابور واقف تتفرج على قلة أدبه معايا .
مش قادر تنطق حتى بكلمه .
طب قول له اختشى على دمك عيب .
ما هو أصل خلاص العيب بقى هو السيد .
وماعدتش ف وسط المواعين راجل .
طب قول له اتلم شويه .
اعمل بالجاز اللى ف بطنك .

والا النخوه اتمنعت من أمثالك والأبريق خلاكوا نسوان .

وهانظلم ليه النسوان إحنا النسوان أجدع من أمثالك .

طيب ما انت عارفنى كويس .

عارف أخلاقى ازاي .

باقعد بالساعه والاتنين على طربوشك والنار بتسوى
القول جوايا .

فى حد ياناقص يقدر يستعطنى .

إخص عليكم أنطاع .

هو عشان ما الدست بيتبيض وشايفنى لوحدى .

فكرك يا أهبل تقدر تلعب ف دماغى .

دا انا قدره ياواد مش كنكه .

آه يا ابن الكلب يا أبريق لو كنت لوحذك دلوقتى .

لسه ما عجزتش ويتعرف تنك على اللى بيوجع قلب
الواحد .

زى السكر ف كلامك وف قلة أدبك .

اتعلمت كثير م القعه معاهم ف الأوضه .

مع ان الطشط بيدخل برضه معاك إنما زى اللوح .

عمره ما طبطب على الطشطيه ف يوم ولاخدها
ف سدره .

أهى قاعده على الحيطه مركونه لحد ماصدت من قلت .

ما الواحدة يا عيني مايبيكش ف بدنھا الدم .

إلا إن يعنى .

واليعنى داهيت هاتطولها منين والبيت اتعلى نسوان .

الدست اللى مايتسماش .

رايحة وجايه عليه لايبينطق ولابيشار .

ولا حتى نفس طالع منه .

زى جلوص الطلين المرمى على الباب .

واحنا يانسوان برضك عايزين حبة حنيه .

دايما بنحب الذكر اللى يلاغى .

بكلمه بهمسه بضحكة ترن ف قلبى .

وما فيش قدامنا يا عيني

غير الأبريق ابن الكلب الملعون ده .

الحكاية ١٧

مش ولدت توأم .

إمبارح سعت الفجرية .

خارجة الطشطيه علينا م الأوضه بتتعاجب .

سبحان الخلاق العاطى .

البت تقولش قمر ليله أريعتاشر . .

108

والواد حامل زى البدر .

الخالق الناطق فوله وإنقسمت نصين .

شايفه الأبريق الفخار منفوخ ازاي ومنشع ميه .

ما هو قاعد ف صلبه جديده مع القله ماحدش عاجبه.

والا شفايفه حاطط فيها عودين نطاع.

الميه اللي ف بطنه كمان مليانه مزهر.

دا مخلي الأرضه ريحتها تجنن.

بس يا عيني يا فرجه ماتمت.

قصداك إيه قولي يابيت يا كنكه

دايما ساكت وحزين على نفسه.

قصداك علشان القله.

طلب هايروح فين فيها.

شايغه السيفه اللي ف رقبتها.

عماله تضوى ف ضى الرناسه ازاي.

اشي بنتنطيف وسلاسل وغوايش.

حتى الخلخال الفصه كمان.

شايغه الأبريق بيبص لها بحسره ازاي.

ما هو ميت ف القله من الحب .
من يومه هو بيتملها الرضى ترصا .
بس مايقدرش يهوب ناحيتها .
ما هو كلنا عارفين فضايحها مع الأبريق لحرر .
أسكتى لا بيجى على السيره .
يا جمالها هاتنها ف العزده أسبوع .
تفتكرى الأبريق الفخار يستحمل .
قايم نايم أسبوع ف صنيه معاها .
خليه يتربى من الشوق حبه .
علشان أبريق خيخه ومش راجل .
طب هيه من الفخار زيه .
يرضى ازاي على نفسه يسبها بايدو لبريق تانى نحاس .
دى الخيبه كمان تكمل .
لوجه دلوقت الأبريق متبييض ويشوف المنظر ده بعنيه .

فكرك يسكت؟

طب هو هايقدر يعمل إيه يعني؟

مش هيه ف البيت مولود وسبوع.

هوذا بيهمه، هايقيد ف الأرضه حريقه.

دا قليل إن ماكسر راس الأبريق الفخار.

ورمى يمينه على القله الغلبانه.

عارفه إنها ممكن ماتعديش على خير.

ممكن يكسر للقله ودانها.

كان قبل مايمشى موصيني عليها.

كان خايف للأبريق الفخار يستفرس بيها لوحده.

حتى الوناسه موصيها ماتتوطاش.

تاخذ بالها من الجاز قبل مايخلص تتعمر أول باول.

عشان تقعد على الحيطه تشوف كل اللي بيجرى.

أنا عمرى ماشوفت كده.

طيب هو نحاس عنده الغلايه .
والا الكنكهه أو حتى المصفه ما هي داييه ف دبادييه .
يعنى المطبخ ملين من مواعين من توبه .
إشى المونيا حل وصوانى نحاس .
بسيب الكل ويجرى يولف على قله م الفخار .
ويحرمها كمان على أبريق من توبها .
ما هو لوكان فيه حد من الفخار وقف واتصدرله .
ماكنش مرع فيها كده ع الآخر .
ربنا يستريا ختى علينا .
يستنى شويه ويتعطل لأواخر الأسبوع ده .
عايزين نفرح مره .
ونسبع للمولود التوأم .

الحكاية ١٨

ما هو أصل الموكوس موكوس.

ولو علقوا على راسه فانوس.

قصدك مش راسه.

هاتهرج على خيبتك.

قاعد بتقول قلة بخت.

لاء مش قضى سيدك.

خيبتك بالويبه ومش موصوفه لغيرك.

طب ما هو أبريق زيك تفرق إيه عنه.

علشان ماهو نحاس وانت فخار بس اسمك أبريق برصنه.
كل مابتحاول وتجر كلام قله تسكك على بوزك.
طب إيه اللي يخلي القله البيضه تتف ف وشك قدام
المواعين.

ماهو من كتر رذالتك وغباك معاها.
الريق الحلو عليه عمل وكمان المحلسه والحنينه.
بس هاقول لك إيه.

طول عمرك جلف وهايف.
مره تلم عليك المواعين ويزفوك.
وكانك نحست ومقطوش بزبوزك.
ومره يقوم الطشط يعجك قدامهم.

جاي زى انت مابتقول.

114

قل البيت صبحت كلتها شريفه.
بس شرفها عليك انت وعلى خيبتك بس.
طيب بص على الملعون الثانى.

أهوش فخار زيهـمـ.

لكن كلتهم عنيهـمـ متخزقه م البص عليه ساعة مايهل
عليهـمـ.

دى بتمايص قدامهـ.

ودى تعدل ف عيدان النعناع اللى ف شفيهاـ.

ودى تمشى تميل بالميه شمال ويمينـ.

طب تفرق إيه عنه ياموكوسـ.

ممكن عشان بزوزه طويل عنكـ.

دايما حامى ع المواعينـ.

طيب فيه قله ف يوم داقت بزوزكـ.

ساعت ماتشوف قله قصادك تتلجلج وتخيبـ.

وتنشع كل الميه اللى ف عبك قدامهاـ.

طيب فيه قله بذمة أهالك تتمنى تميل بختها ياديهـاـ.

ماهر عل شان كده مانتش نافع مع حدـ.

عايزين يقعدوا ف حماية أبريق عترهـ.

وماحدث يقدر يتجراً وينط يكسر شفايفهم .
ما هو برضه على قد ما عايزه القله انها تدلع .
تلقى الأبريق الصبح عشان يشكمها .
إنما يامنيل شايفينك وسطيهم زى اختهم البكريه .
ونهار ماتحاول يبقى بحمريه .
يعنى ياخويا وليه ف وسط ولايه .
فكرك أعذارك تقدر تعدل حالك .
على قد لسانك ما بيتدل دل ع القل المليانه .
على قد ما بيكش البزبوز سعت الجد .
الحق عليه يا عرة كنك البيت .
هو عشان ما انا قاعد باخد وادى معاكى ف أحوالى
تلقى ف أدبك .
ماتبصى لنفسك حبه .
قاعده تطلعى فيه القطط الفاطسه .
وتحكى وتتحاكى عليه وانا صابر على قلة أدبك .

مش عايز أجرح إحساسك .
ودى لو كان عندك إحساس يعنى شويه .
بقول يا وله دى وليه ومكسوره .
يعنى انتى الأمله ياخيه .
طب ماهو لولا البراد ودنوته ونفسه الحلوه .
ماكنش بقالك سعر ف وسط المواعين .
لمك من تحت النمليه وعملك قيمه .
لكن ماعلش ماهو أصل الناقص ناقص .
صونتى النعمه أو حتى عملتى حساب لكرامته .
أبدا لو مره حافظتى ف يوم على عرضك قولى ،
قو حينى .
دايره بتتسرمحى على كيفك .
وأهو لايص وياكى يا ولداه .
ومحدث قادر على كسرك عشان تتلمى شويه .
وأهو قاعد من كتر فضايحك يغلى على النار .

يستحمل إيه المسكين ويدارى ف إيه .
ماهو كل ماتبرد ليكى حكاية تتشغل غيرها بعمله
جديده .

أصل الحال من بعضه يا كنكه .
لا تعيرينى ف يوم ولا أعيرك .
أنا من خييتى وقلة عقلى .
مش قادر اكمل أيه حكاية .
ولا قادر أرد كرامتى ف وسط الفخار .
وانتى من كتر دانوتك ف الرجاله .
سيرتك على كل لسان .

الحكاية ١٩

طبيب بيقولوا إيه ف المثل.

خبيبة الأمل ركبت جمل.

وازاى بقى الموكوس هاينول مراده ف وسط ناس قادره.

من ليلة الدخله وصاحبنا لسه مجرش على الصندره.

بيقولوا إيه من خبيته.

قال إيه مكسوف م اللى جراه على ادين القله ف ليلة 119

الدخله.

بيقولوا ان القله وهيه بتدلع كسرت بزبوزه.

قصداك يعنى الحته الفضله

ماهو مكسور البزبوز من يومه .
ماهو من قلة بخت القله الغلبانه .
بيقولوا أن خدودها احمرت .
وانكسفت لما اتعرف الموضوع وسط المواعين .
ماهو برضك ظلم ياعم .
رمت نفسها بإيدها .
هاتعيش ازاي مع الأبريق مقطوش البزبوز .
قعدت تتبطر على أباريق البيت العتره .
واهى وقعت ف الآخر على أبريق عره .
الحب يا سيدى وبرضه القلب وما يريد .
ماهو لولا نذالتك وياها يابرد الكلب .
ماكنش هاترمى شبابها الرميہ دى .
واهى رجعت على قدك دلوقتى يا محظوظ .
حاول جايز ترجع تانى الميه لمجاريها .

فكرك يتعاد الوصل اللي قطعته زمان بأديه .

ايه يعنى رفق يا أخى .

أصل ما فيش بين الفخار حد بتطلق .

تقعد كده تنزل لحد ما تتكسر م الحسره على شبابها .

أهى رضيت بيه أحسن ماتعش بعد ندلتك وياها .

مين سمعك يا أخى .

دايما بيقولوا البخت الحلو يروح لصحابه .

حتى ف وسط الفخار .

بس انت ساعتها طلعت قليل الأصل قوى .

طب كنت عايزنى اعمل إيه ويا الكنكه .

فكرك لو عرفت كانت تسكت .

121 ماهو كان ممكن يتلم الموضوع واهى تبقى قصاص الأمر الواقع .

تزعج حبه وتتلوى حبه وتعيط حبه .

واهى أخر الليله هاتسكت وتلم الموضوع وتعيش .

بس انت اللى طلعت جبان .

تغفرلك مره يا سيدى .

ما الأبريق اهو داير يتحرش كل شويه بقله جديده .

تقدر أى صنيه من النسوان اللى قنيها تقوله بتعمل كده
ليه .

راجل وذكرو ما بيهموش حد .

مش زيك واد عره وهايف .

مش برضك هو اللى مربيك .

اعمل زيه ولو بالبق .

اخشن شويه على الكنكه وجيب مناخيرها الأرض .

الحق وافتح لك سكه مع القله بدل ماتطير منك تانى .

وتعيش طول عمرك براد عيل ف أدين الكنكه تبهدل
فيك .

وتمسخر أيمانك .

والله ما حد هايقدر يكسرها إلا الضره .

ولا إن عرفت أنك ويا القله رفق.
أهى دى ياعم اللى هاتكسر بصحيح مناخيرها.
وتجيب كرامتها الأرض.
جرب يمكن ذل القله يخليها تحن عليك.
واهو تبقى رجعت يا عم لحب زمان.
وضربت الكنكه ف مقتل.
دا حرام والله عليك أنها تبقى ف إيدك وتسبها تطير.
بالذمه يا ندل ماصعبتش عليك.
ما انت منحس زى بقيت العيله.
ولا عمرك تقدر تسترسل على الكنكه.
زى ما قال اللى مريبك.
عمك أبريق.

الحكاية ٢٠

طشطيه.

فيكى إيه يفرق عنى.

ماهو برضه اسمنا ف الآخر مواعين.

عماله بتتغندرى ف الراحه وف الجايه.

وتلقى على أسياذك بكلام فارغ.

124

علشان ما انتى نحاس يعنى.

هو صحيح أنا ملين محروق.

بس بحس ولما مشاعر وحنينه على كل المواعين.

مش زيك تلمه ويتبخى السم ف جنزرتك .
 دايمًا كده كل كلامك واقف .
 وماحدش ف المطبخ مالى عينيكي .
 دى الواحده العاقله تحوط على مواعينها .
 تصون ف كلامها مشاعر غيرها .
 يعنى لما تعاير، تعاير بماعون واحد .
 مش دا نحاس، ودا فخار .
 بطللى شغل الدوران واللف على الفاضى .
 عارفين المتخبى ف بطنك من نواحيننا .
 طيب قاعده بتتلمعن على إيه .
 طب ماهو إن كان ليكى فوايد مش أكثر منى .
 ما انا برضه فوايدى كتيره وعلى البيت كله .
 فكرك يعنى مانش هاقدر اطلع فيكى عيوب .
 طب بصى لنفسك مره كده .

بصى كويس ماهو أصل اللي مابيشوفش من الغريال.
دا الجمل ان شاف صنمه كان ادير قطمه.
معيوبه وضررك على غيرك أكثر من نفحك.
طب اقوالك خلى شوية ميه يياتوا فى بطنك ليله كده
وشوفى.

يبقى يا ويلك ماللى هايجرالك.
هايظهر لونك على أصله.
تزرقي وشكلك يبقى بله.
وعشان تنفعى من تانى ياعرة مواعين البيت.
تتحرقى لحد مالونك لحمر يرجع.
يابتاعة القزير يا مصدية.

دا لولاه كان بدتك يفضل بعافشته.
واهو طول عمرك على الحال ده.
أما احنا يافخار.
عمرنا مانخاف م الحرق ولا النار بتأثر فينا.

بنهوى على عجيننا عشان يخمر.

والميه ترشح من مشاعرنا عشان تسقع.

ياهناء اللى بيشرب م الفخار.

الميه بتبقى ف بطننا شهد مصفى.

تنزل جوفه علشان تسرى وتمرى وترطب قلبه.

هو صحيح إحنا يافخار دايما نتكسر بدرى.

يعنى العمر قصير برضه.

على فكره دا مش عيب فينا.

إحنا نفسنا خفيف ع الناس.

مش زيك قاعده ف أرابيزهم.

أصل ياشاطره.

على قد الأيام اللى بتقعدنا ف وسطهم.

عمر الفخار ما ازرق.

أصل احنا خفايف زى النسمه.

يعنى لا بلجنزر ولا بنسم حد.
عارفه ياشاطره لما الفخار يقدم.
وتعدى عليه الأيام والعمر يطول حبه.
عارفه ياعفشه بيقولوا علينا اننا نحسنا.
زيك يعنى.
ودى تبقى ف عرف الفخار الحر شتيمه.
يستاهل عليها الكسر.

الحكاية ٢١

بعد ما راح المقبره .

صبح ف بقه سكره .

مش هو دا برضه الأبريق العره .

اللى ماحدث فيكوا ف يوم اتدلع على إيده .

كات تقدر قله نهوب يمة شباك .

والا تفكر يوم وتشيل الغطا عن بقها وتشم نفسها .

كات تقدر قله تكرر ميتها تحت كوز الميه .

كان كابس على نفس الكل كبير وصغير .

دلوقتی بیصعب حاله علیکوا.
أما احنا یاصنف الفخار ملاعین.
مانجیش غیر بالسک علی ودانا.
أهو غاروف ستین داهیه.
نتنفس بقی حبه هوا من غیر مانخاف.
طیب یا اختی یا حلوه.
ما یصعبش علیکی غالی.
قطع بینا.
إزای طب دا احنا ماصدقنا یغور.
کان مالی علینا البیت.
یا اختی لوحدک.
دا احنا ما کناش بنشوف علی إید اللی مایتسماش غیر
العکنه والذل.
کان مستکبر علی إیه مش عارفه.
اللی حماره منحس ومجنزر.

دا كفایه علیکی دناوته مع المواعین .
طول عمرک خرسه وعمیه علیه وعلى أفعاله السوده .
واهو غار من وشک .
یا صنیه یا هبله دا خیر واهو جای لحدیکی .
شوفی نفسک بقى حبه بلاش الرکنه دى .
على إيه على قلة أصله معاکى .
قومی یاختى وادعکى جسمک بالسرس .
میلی على أبریق تانى تشوفی معاه بختک .
وکفایه بقى الحزن علیه غیر لونک .
بصی لنفسک حبه .
کلنا عارفیین إنک دایبه ف دبادیبه .

131

بس عمالک إيه .

طول عمرک دایره بتشکی لخلق الله من کتر عمايله
السوده
وأحواله اللى تفیظ .

والا فضايحه ف وسط المواعين.

ياصنيه اسمعى منى.

أنا رايد هناكى وعايظه الخير.

الأبريق الألمونيا امبارح كلمنى عليكى وميت.

يتمنى الرضا ترصنى.

طيب حتى لو ريق حلو.

إش جاب الألمونيا لسيد الأباريق.

عشان ماهو يعنى نحاس أحمر.

مش زن يابت على ودانك.

ما هو أنا اهو قدامك قله من الفخار لحمر.

عرفت ازاي أكعبل أبريق أبيض ف هوايا.

132

واهو داير ع المواعين يترجى.

ويبوس الإيد والرجل عشان بس ارضنى به.

وانا إيه اللى ورايا.

خليه لما يشعل قلبه ويستوى على نار هاديه .

وقتيها هايركع قدامى ومايصش بره .

مش لعبيه يابت يا هبله .

أعمل زيك وأروح أتشعنف على أبواب الخلق وراه .

بادبح له القطه قبل ما اوافق بيه .

إسكتى .

هاسكت ياختى .

ما انتى اللى قعدتى على الحجر لواحدك .

وماكنش لسانه بينقط عسل الا معاكى .

كان لاحس مخك بعمايه .

ولا كونتيش بتشوفى اللى بيجرى مع القتل الفخار .

كان قاعد بيلف يلف بيرجع لصنيته تانى .

انتى اللى فضلتى معاه من أيام العز لغاية دلوقتى .

طول عمرك لزقاله .

وما فارقنوش بعضيكم يوم.

أما انتى صنيه قبيحه قوى.

طيب هو جذاتى اننا قاعده أنصح فيكى.

وعايزه أشوفك مصلحتك.

كان عاجبك يعنى عمايله لحد ما برى بزبوزه.

ماهو كان ببسيبك بالشهر وبالاتنين ويدور على كيفه.

تستهلى ماهو صنفك كده دايماً عايز السك على نحاسه.

طلب ياختى خلاص هاسكت.

كلها إيه؟ شهر ويرجع من تانى.

إبقى تعالى قابلىنى.

عمرى ما اخاف إلا من اللى خالقنى.

أما نشوف.

أما يشرف ياختى ابقى قوليله.

واللى هايقدر على حاجه ها يعملها.

الحكاية ٢٢

ماهو عجز يا اختى.

كفايه عليه العمر دا كله.

عمره ماريح نفسه لحد ما صحتة راحت ف الجرى ورا
المواعين.

دا بقاله تلت تيام عند بتاع بوابير الجاز.

كل ما يلحم خرم ف بطنه يطق اتنين.

أصله بقاله كتير مرمى ياولداه.

يمكن سنتين وزيادة على السندره مركون.

مش كان جاى ف صندوق العفش فى ليلة الدخلة.

ما اسموش صندوق العفش .

اسمه صندوق الشوار .

يا ختى ما خلاص راحت أيامه وبقى اسمه دلوقت
الكومودينو .

حتى انتى ياقله بتتكلمى دلوقتى لغات .

مافضنش من الصندوق غيره .

وحالته بقت تصعب ع الكافر .

كله اخرام ويقع ومطبق من بطنه .

بس اللى قطع فيه صحيح ويزعل أكثر، بزيوزه .

فكرك ينفع تانى .

هو جنان يا صنيه .

ما خلاص بقى عايز الرمى .

أبريق متطبق وبزيوز مكسور .

إيه بقى نفعه ف وسط المواعين .

بس احنا اتعودنا عليه .

من يوم ماخذه لبتاع بوابير الجاز علشان يتصلح.

حسه انه قطع بينا.

على قد غلسته وقلة أدبه وحشنى.

ماهوركان لسه شباب وقتيها بقى.

مش بس كده.

انتى اللى اتعودتى على كل كلامه المعوج وياكى وقلة
أدبه.

طول عمرك بتحبنى اللى ينفشك وتموتى ف هزاره.

عودتى ودانك على كل كلامه الفارغ.

مش عشرة عمر بقى .

عشرة عمر ويس يابت.

مش حب قديم يعنى.

كل المواعين كانت بتدوب ف قباحتها.

بس ف آخر أيامه اتهد وبقى آخر زوق.

حنين طول عمره وزى السكر.

ويخاف على دا وعلى دا وخدم.
ماعدتش بتطلع زى زمان من بقة العيبه.
كل مابيشوفنى يهزف طربوشه ويضحك.
تلاقيه بس بيتحسر على نفسه.
ماهو عارف إن ماعدلوش أى نفع دلوقتى.
من يوم ما اتكسر البزبوز اتم.
بيقولوا دى تالت مره يروح عشان يلحم بطنه.
دا ببيجى يا ولداه مهدود الحيل ومفرهد على الآخر.
مش فاكره يوم ماقعد يحكى لنا عن اللى بيجرى له
هناك.
م المكواه وهيه بتلسع بطنه.
كان قاعد يحكى وصعبانه عليه نفسه المكسوره.
وخصوصا أن الأبريق الألمونيا لسه ف عز شبابه.
كل ده كرم وندالة الأبريق الفخار كرم تانى.
اتم على الأبريق الألمونيا ويقوا عز الأصحاب.

ما هو دائما كده دلدول ويدور على مصلحته.
بصراحه ماشوفتش ف رجولة البراد.
ماهو زى ابنه وهو اللي مربيه.
دايما يجرى عليه عشان يسنده من ع الباب.
ويتنه معاه سهران يسمع له ويطيب خاطره.
الدم يحن ماهو برضه نحاس زيه.
أنا لسه ماشوفتش زى الأبريق الألمونيا ف جبنه.
ساعة ماشوفه بيجرى ويدارى.
ماهو قاعد مستنى الفرصة لحد مايمكن.
بعديها يطيح ف المواعين.
ماهو ألمونيا بقى.

139

يعنى مخلص.

لا له أصل ولا حد من المواعين يعرف له تاريخ
ولا عيله.

الحكاية ٢٣

الزلعه اتكسرت ليلة امبارح .
الواد ابن الكلب خبطها برجله وهو معدى .
الواجب برضه تروحي للزير علشان تاخدى بخاطره .
عمر الزلعه ماتت عوض كات بنت أصول .
كات جايه مع الزير من قنا على مركب واحده .
يعنى قناوى أصله .
طيب إيه آخرتها ياطشطيه والخير عمال ينقص م البيت .
وأدينا بنتكسر قله ورا الثانيه .

حتى الزلعه اللى ماكناش نسمع صوتها، فاضيه ومليانه
ف حالها.

أنا عمرى ماشوفت الزلعه ف قاعدة فخار.

ولا طلعت منها العيبه ف يوم.

كات ست الفخار ف البيت كله..

فاكره يا قله الأبريق يوم ماعكسها.

خلته يتقلّى على الهادى.

بالعقل وبالراحه ومن غير شوشره ولا تهليل.

بقى كل مابيشوفها يحط عليه ف الأرض.

قدرت تكسر نفسه.

وترد كرامة الفخار اللى مبعترها الأبريق.

عايزنى.

أنا قدامك على شرع الله وحلاله.

اتبل الأبريق قدامها وتنح لها.

أصلها عارفه ان الشرع مابيحللهمش لبعض.

طول عمره مايعرفشى حلال وحرام.
هو نحاس مايبينشعشى وهيه من الطين الأسوانلى.
فيه فرق كبير ف الجنس مابينهم.
فكرك يعنى اتربى وتاب.
برضه أهو من يومها وهو يسلم ع الفخار بأدب.
ماهى توبة الأبريق كات على إيديها.
كات صالحه وعارفه حدودها وماتفتش الفرض.
أصل الطاهره والعزه مايلزمهاش إعلان.
أهى كل المواعين حزنانه عليها.
ولا الدست ياولداه.
عمال بينهنه زى النسوان.
دا الأبريق ساعة ما انكسرت.
جرى لم له كام شقفه من الواقعين ع الأرض علشان
يسترها.
ولحمها مايبينش على الغرب.

سبحان الله . مش هو ده برضه الأبريق .
كان دايمًا طالق بزبوزه على الفخار .
هو اللي بيجرى عشان يستر عرض الزلعه .
فكره يا قله ف يوم الشاليه اللي إنكسرت .
الزير فرق ثابت . كان ندر عليه ووفاه .
ماهو كل الفخار كان يتمنى يشوف فيها اليوم ده .
ماهى كات فاجره .
وجاييه لكل الفخار اللعنه .
والا الزير ، كات جاييه كرامته الأرض .
ماهو برضه كبير الفخار .
واللى يعر الشاليه يعره .
ماهو كان يقعد بالساعتين يترجاها .
لكن عمر الكلب مايعدل ديله .
واهو كله بسبب الأبريق .

هو اللى فضح سيرة الفخار وسط المواعين.

ميل راس الشاليه ببزبوزه.

ويعد ما وقع الفاس ف الراس سابها وراح للقله.

إتجنت من أفعاله معاها.

دارت وسط المواعين على كيفها.

أصل الفخار سيره.

والفرق ما بين الزلعه وبين الشاليه كبير ولالهش حدود.

شايغه يا قلّه اللى انا شايغه.

الزير أهو جاي على حمالته بيعرج.

إتهد يا ولداه م الحزن عليها.

شايغه الشرخ اللى ف بطنه.

144

عالجوه بالأسمنت وبالجبس لكن برضه مافيش فايده.

هيتنه يزيد حبه بحبه وينشع.

وقليل إن ماتهد من الحزن وانكفى من ع الحماله.

أسكتى لحسن قرب.
مانجلكوش أبدا ف وحش يا ولاد.
العزا قدام البيت بعد المغرب.
كل الفخار يتجمع بعد الدفنه.
عايزين نعمل للزلعه مقام نتبارك بيه.
ويجيئه الفخار من كل الدنيا تزوره.
أهى حاجه بسيطه عشان الزلعه اللي إنكسرت غدر.
وكمان علشان نتشاور.
ونشوف لنا حل مع الخلفه الشوم اللي الحظ بلانا بيها.
الواد من يوم ماكبر حبه.
وقدر يمشى قاعد بيكسرف الفخار.
فخاره ورا الثانيه لما البيت قرب يفض علينا.
الزلعه يشوطها بزجله.
والقله اللي بيشرب منها.

بعد ما يطفح يحدفها على الأرض .

من كتر دانوته ابن الكلب .

عشان يشرب من لبن الشاليه وهى ثقيله عليه .

يرميها على الأرض عشان يتكب لبنها وتتكرس .

حتى انا ياللى اسمى أبو الفخار ماسلمتش من إيده .

وحدف الكوز بعزم مافيه ع الأرض اتطبق .

وضربنى بشومة شرخنى .

والشرخ اهو عمال يكبر حبه بحبه .

مش نافع وياه لادوا ولا أى طريقه هاتمنع نشعه .

قصر عمرى الله يقصف عمره .

هايتنه ورانا لحد مانخلص م البيت .

146

وأخرها يركبوا حنفيات .

ماهو لازم نتصرف وياه .

ونشوف له نصيبه نحافظ بيها على الأيام الباقيه .

الحكاية ٢٤

ماسمعناش للأبريق صوت من أسبوع.

ماهو مش بالساهل برضه عليه ياجماعه.

ماهو محضرش الغسل ولا الدفنه.

قال إيه الراجل يتغسل ف الآخر بالأبريق الألمونيا.

اللى مقطع فيه يا عالم كنته ف الركن لوحده ونهنته.

147

أهوع الحال ده من ساعة مارجعنا م الدفنه.

ما هو أصل الأبريق دا أصيل والعشره ماتهونش.

إلا على ولاد اللى لامؤخذه ف دى الكلمه.

ماهو مش جايب للأبريق الكافيه الا شهامته .
بيحب الناس وبيعمل دايمًا خاطر للعشره .
أصل اللي ما بينه وبين الرجل كان مش بالساهل
برضه .
أيام مره وأيام حلوه .
وخاطر كانوا دايمًا بيحافظوا عليه بين بعضيهم .
أهو مات .
ماقطعش الا بالأبريق .
ماحضرلوش غسل ولارطب بدنه .
كان دايمًا حاطط إيدته على قلبه وخايف م اليوم ده .
من ساعة الرجل مابقت صحته ف النازل .
الأبريق الألمونيا يا عالم .
الرجل الايمه ييجى عليه اليوم يتغسل بالأبريق اللي
مالوش أصل .
قاعد طول عمره يهنن ف الأبريق .

معشره العمر ده كله ومدلعه ع الآخر ومايتوضاش غير
منه .

ويقوم يدعكه بإديه بالسرس ويملاه .

ويحط ف قلبه مزهر .

عشرين سنه بيدلغ فيه ع الآخر .

وف آخر عمره بيتدل وعلى إيد أبريق المونيا .

طيب كات تبقى دى آخر مره يطل عليه فيها قبل
مايفترقوا .

الطشطيه قالت لى ان المره هيه اللى اختارت لأبريق
الأمونيا .

عشان يتغسل بيه .

حتى ف آخر وقته بتحرمه من حاجه حاييها .

حتى وهو على الغسل .

ياه ع الغل يا عالم لما بيتمكن من حرمة .

لما الحرمة بتكره بتخلى الحال دايمًا بالمقلوب .

الراجل كان غمه انزاحت عن قلبها لسود.
ماهور بك برضه بيمهل لكن مابيهملش.
واهى بكره ماتلقاش ولاكوز صاج.
حتى يصب على بدنها وهى بتتغسل.
مستنى اليوم ومتشوق له.
فكرك قد الأبريق يعنى.
دا ساعتها قليل إن ماطلع ف البلكونه وزغرط.
دا انا سامعه وهو بيندرها.
قاعد يحلف ويتحالف إنها لو ماتت.
هايزوع وقت الخشبه ماتطلع شريات.
من كرهه وغله حالف يخرم بطنه ببزبوزه.
عشان يتاكل ويجنزر وماحدش يقدر يملاه تانى من بعد
الراجل.
بص يادست الشوم.
الظاهر كل النسوان اتيهشت يا ولاد.

المره قاعده تصوت حبه وتزغوط حبه .

تضحك وتعيط ف نفس واحد .

تلطم وتشق هدمها وترجع تستغفر .

الحى ابقى من الميت .

مش على حال من يومها .

فكرك مره زى دى تقدر تصبر لما تربعن ؟

مين قال ؟

دى إن طلعت مره خميس مش طالعه عليه الثانى .

وأهى بكره تلون وهاتنسى الراجل وعياله وأيامه
السوده .

ومسيرها تدور على بغل جديد على شان تتلفح بيه .

ماهى أصل الدنيا كده .

عمرها ما استنتت على حال .

عوجه ومقلوبه ودايخه لحد مادوخنا معاها .

الراجل نايم على غسله .

كان نائم على غسله وهيه بتستخسر فيه يتغسل بالأبريق
اللى معشره سنين.

وتهينه بأجرب أبريق ف البيت.

ألمونيا مالهش لا أصل ولا فصل.

فيه غل أكثر من كده ف الدنيا.

رنا يستر على كل عبيده.

ويصبر لبريق على أيامه الباقيه.

ولغاية ما يحصل صاحبه.

الحكاية ٢٥

معقول خلاص الراجل مات.

مش قاطع فيه ياقله غير إنه ماکملش تلت خمسان.

والمره قلعت لسود.

قال إيه الحى ابقى من الميت.

طب والعشره وعمره اللي قضاه ف الشقا علشانها

وعلشان خلفتها السوده.

كانوا دايمًا بيقولوا ان الغدر دكر.

وان الراجل من دول.

يبقى على بطنها ويتدبر ف أمرها.

فى حد مصدق ان الأبريق من يومها وهو ف غيبويه .
والا البراد الغلبان متقطع ع النار م الغيظ .
والدست ماهوش قادر حتى يبص ف خلقتها .
فيه قلة أصل أكثر من كده ف الدنيا يا عالم .
دا انا لما لقيتها بتقلع لسود حرقت دمي .
مش برضه بيقولوا عن البنى آدم من لحم ودم . جايز .
دا احنا يا فخار لو قلنا انكسرت منا ، بنقعد بالسنة نبكى
عليها .
كان نفسى ياخذها الموت الأول .
فكرك كان يخزن ولا يقول أهى راحت وف ستين
داهيه .
معقوله احنا يا فخار من نفس طينتهم .
مش بيقولوا أصل البنى آدم من ميه وطنين .
إخص عليكى احنا هانتشبه بيهم .
فيه فرق ما بيننا وبينهم .

هما من الطين الحى واحنا من الطين الميت.

طيب يعنى إحنا جماد برضه.

المفروض إننا لا بنشعر ولا بنحس.

لا بنحزن ولا نفرح.

هيه الدنيا اتشقلب حالها يا عالم ليه.

ماهو نفس الطين واهى نفس الميه.

واتفرق ما بيننا وما بينهم مشاوير ملهاش معنى.

يمكن عشان العقل اللي ف راسهم؟

ماهو سبب البلوه.

دايما بيحكم عقله وقلبه بينساه.

دايما بيخليه يفتري على غيره.

طيب ييقى اللي ما بي فكرش احسن.

عايش على فطرة قلبه وأحاسيسه.

يا ما كنت زمان بتمنى اتحول بنى آدم.

دلوقتی ماعدتش طایق سیرته.

ماهی کات قله عقل ساعتها وخییه یا براد.

مش لسا یادوینک بتقول نلغی عقولنا عشان نبقی احسن
منهم.

عایز ترجع تانی یا براد وتفکر علشان تغلط نفس
الغلطه.

قصداک إن البنی آدم نحس یعنی.

کده تبقی بتظلم اخونا الأبریق.

مش هو نحاس أحمر ومجنزر.

أهو علی عینک من یومها.

قاعد جانب باب المقعد بیسح بقاله تلت خمسان.

أصل العشره مانهوش.

156

طیب ماهی هانت حتی علی مراته.

فکرت مره زی دی تصبر علی حالها؟

تصبر؟

مین عارف.

عند البنى آدمين بيقولوا الحزن مكانه القلب.

یعنی حکایة لبیض واسود دی مظاهر قدام الناس.

كلها أيام وتعدى ونعرف.

یاخبر بفلوس.

زیقولها لكم ورهان على عمری.

عمر المره دی ماها تکمل شهرین على حالها.

ویکره تشوف.

إن ماکنتش هاتتلفح برجل تانی وقبل الرجل ما یریعن.

تفوا علیه.

وان ماحصلش هاتدور على حل شعورها.

أنا عارف صنف النسوان دی کویس.

دی یاخویا ماکنتش بتهمد ولا تتهدف لیله.

الراجل یرجع داخ م اللف على اللقمة.

ودى تقعد تتدحلب تحته لحد ماتركب فوقه .

الراجل برضه يحن .

ماهو لحم ودم وعارف طبع مراته .

وتقولى هاتقدر تستحمل لما تعدى عليه السنويه .

يا اخى دى مره اللي ف راسها ف راسها .

والله ماتفرق عندها ان كان عندها ست عيال والا
اتناشر .

شايفه يا قله اللي انا شيفاه .

الراجل لسه ف تربته ما بردش .

والمره خارجه من الحمام بقميص النوم البمبى .

يا مصبتى مش قادره استحمل كل اللي بيجرى .

إدارى يا عين واعمى عن اللي انا شيفاه .

لو كانت ندرها، برضه ماتعملهاش دلوقتى .

دا الراجل كان راجل برضه على إدينا .

لو غضم ف قفه له حزنه وزعله وبكاها عليه .

كان برضه اسمه أبو عيالها.
قال إيه كانت تقعد جانبه تقول له .
اوعى تموت وتسبني أتبهذل ف الدنيا لوحدي .
دا انت العز والعزوه .
أصلى وناسي وجملی وسندی .
رینا یجعل یومی یاخویا سابق یومك .

«ناجی شعيب»

مطابع الهيئة المصرية العامة للكتاب

رقم الإيداع بدار الكتب ٢٤٦٢ / ٢٠٠١

I.S.B.N 977 - 01 - 7113 - 1